

আলেয়া

কবি নজরুল ইসলাম

আলেয়া

[নাটিকা]

কবি-স্বদেশী

নাট্য-নিকেতনে অভিনীত
পৌষ, ১৩৩৮

ISBN 984-401-103-5

প্রথম প্রকাশ
৩রা পৌষ ১৩৩৮

আপামী প্রকাশনী থেকে
প্রথম প্রকাশ
জানুয়ারি ১৯৯৩

বড়
বাংলাদেশে কবির উত্তরাধিকারী

প্রকাশক
ওসমান পসি
আপামী প্রকাশনী
৩৬ বাংলাবাজার
ঢাকা ১১০০
ফোন ২৮ ২৩ ৯৮

প্রচ্ছদ
মাসুক হেলাল

মুদ্রণ
স্বপ্নবর্ণ প্রিন্টার্স
৬/১০ পি.সি. ব্যানার্জী সেন
ঢাকা ১১০০

মূল্য ৩০ টাকা

এই ধুলির ধরায় প্রেম ভালোবাসা—আলোর আলো। সিক্ত হৃদয়ের জলাভূমিতে এর জন্ম। ত্রাস্ত পথিককে পথ হ'তে পথান্তরে নিয়ে যাওয়াই এর ধর্ম। দুঃখী মানব এরই লেশিহান শিখায় পতঙ্গের মত ঝাঁপিয়ে পড়ে।

তিনটি পুরুষ, তিনটি নারী—চিরকালের নর—নারীর প্রতীক—এই আঙনে দগ্ধ হ'ল, তাই নিয়ে এই গীতি—নাট্য।

তিনটি পুরুষ

মীনকেতু—রূপ—সুন্দর।

চন্দ্রকেতু—মহিমা—সুন্দর, ত্যাগ—সুন্দর।

উগ্রাদিত্য—শক্তি—মাতাল।

তিনটি নারী

কৃষ্ণা—চিরকালের ব্যর্থ—প্রেম নারী, জীবনে সে কাউকে ভালোবাসতে পারলে না—

এই তার জীবনের চরম দুঃখ।

জয়ন্তী—যে—তেজে যে—শক্তিতে নারী রানী হয়, নারীর সেই তেজ সেই শক্তি।

চন্দ্রিকা—চিরকালের কুসুম—পেলব প্রাণ—চঞ্চল নারী, যে শুধু পৌরুষ-কঠোরপুরুষকে ভালোবাসতে চায়! মুকুটমির পরে যে বনশ্রী, সংগ্রামের শেষে যে কল্যাণ, এ তাই। এরই তপস্যার পশু—নর মানুষ হয়, মৃত্যু—পথের পথিক প্রাণ পায়।...

নারীর হৃদয়—তাদের ভালোবাসা কুহেলিকাময়। এও এক আলো। এ যে কখন কা'কে পথ ভোলায়, কখন কা'কে চায়, তা চির-রহস্যের ভিমিরে আচ্ছন্ন।

যাকে সে চিরকাল অবহেলা ক'রে এসেছে,—তাকেই সে ফিরে পেতে চায় তার চ'লে যাওয়ার পরে। যাকে সে চিরকাল চেয়েছে—সে তখন তার চ'লে—যাওয়া প্রতিঘনীর পিছনে পড়ে যায়।

পুরুষও তেমনি হৃদয় হ'তে হৃদয়ান্তরে তার মানসীকে খুঁজে ফেরে। তাই তার কাছে আজকার সুন্দর, কা'ল হয়ে ওঠে বাসি। হৃদয়ের এই তীর্থ—পথে তার যাত্রার আর শেষ নেই। তাই সে এক মন্দিরে পূজা নিবেদন ক'রে আর মন্দিরের বেদীতলে গিয়ে লুটিয়ে পড়ে।

হৃদয়ের এই রহস্যই মানুষকে করেছে চির-রহস্যময়, পৃথিবীকে করেছে বিচিত্র—সুন্দর।

“আলোয়” তারির ইঙ্গিত।

কুশীলবগণ

মীনকেতু
চন্দ্রকেতু
কৃষ্ণা
কাকলি
রত্ননাথ
মধুশ্রবা
জয়ন্তী
চন্ডিকা
উগ্রাদিত্য

গান্ধার-রাজ
ঐ সেনাপতি
এ প্রধানা মন্ত্রী
ঐ প্রধানা গায়িকা
ঐ বল্লস্য
ঐ সত্য-কবি
যশোলীনের রানী
ঐ কনিষ্ঠা সহোদরা
ঐ সেনাপতি

সৈন্যগণ, শ্রমোদ-উদ্যানের সুন্দরীগণ, যোগিনীগণ ইত্যাদি।

প্রস্তাবনা

[অঙ্ককার নিশীথিনী। আলোয়ার আলো মাঝে মাঝে ছুলিয়া উঠিয়া আবার নিভিয়া যাইতেছে।
দিশেহারা পথিক তাহারি পিছনে ছুটিয়া পথ হারাইতেছে।...]

আলোয়ার নৃত্য ও তাহারি অনুসরণ করিয়া চলিতে চলিতে দিশেহারা পথিকের পীত।]

[গান]

পথিক ।।

নিশি নিশি মোরে ডাকে সে স্বপনে।

নিশার আলো ছুলিয়া গোপনে।।

জ্ঞানি না মায়াবিনী কি মায়া জানে,

কেবলি বাহিরে পরান টানে,

ঘু'রে ঘু'রে মরি আঁধার গহনে।।

শত

পথিকে ও রূপে ছল হানে,

অপরূপা শত রূপে শত গানে।

পথে পথে বাজে তাহারি বাঁশী,

সে সুরে নিখিল-মন উদাসী,

দহে যাদুকরী বিধুর দহনে।।

[গান শেষ করিয়া পথিকের প্রস্থান।]

[গান ও নৃত্য করিতে করিতে দুইটি প্রজাপতির প্রবেশ।]

[গান]

প্রজাপতিদ্বয় ।।

দূলে আলো শতদল

ঝলমল ঝলমল।

চল লো মেলি' পাখা

রঙ্গিন লঘু চপল।।

যদি অনল-শিখায়

এ পাখা পুড়িয়া যায়

ক্ষতি কি-ভালোবাসায়

ছুলিতে আসা কেবল।।

কাঁটার কাননে ফুল

তুলিতে বেঁধে আঙুল,

মধুর এ পথভুল— ফুলঝরা বনভঙ্গ।।

চলিতে ফুল দলি, চাহে যে ভারে ছলি
সেই সে পথে চলি, যে পথে আলোয়া-ছলি।।

[গীত-শেষে প্রজ্ঞাপতি দুইটি আলোয়ার নিকট যাইতেই আলোয়া নিভিয়া গেল। আলোয়া নিভিয়া যাওয়ার সাথে সাথে কয়েকটি রক্ত-বাস পুষ্পতনু কিশোরী আসিয়া দাঁড়াইল। প্রজ্ঞাপতি দুইটি ভাস্করের দেখিয়া ভায়সের দিকে উড়িয়া গেল। প্রজ্ঞাপতি ও সেই কিশোরীদের গান।]

[গান]

কিশোরীরা	।।	মোরা ফুটিয়াছি বঁধু হের তোমারি আশায়।
প্রথম কিশোরী	।।	আমি অনুরাগ-রাঙা আমি গোলাব-শাখার।।
দ্বিতীয় কিশোরী	।।	বন-কুন্তলে গরবী আমি কানন-করবী।
তৃতীয় কিশোরী	।।	আমি সরসী-কমলা আমি ষোড়শী কমলা
চতুর্থ কিশোরী	।।	আমি চম্পক খোপায়।।
প্রজ্ঞাপতিদ্বয়	।।	নিভিল আলোয়া-আলো পথ চলিতে, তোমরা আসিলে কি গো মন ছলিতে।
কিশোরীরা	।।	মোরা অনির্বাণ-শিখা দীপ্তিমতী, আমরা কুসুম রাঙা আমরা জ্যোতি।
প্রজ্ঞাপতিদ্বয়	।।	মোরা চাহি না ক প্রেম, চাহি মোহিনী মায়ার।।

[গীত-শেষে প্রজ্ঞাপতি দুইটি ও কিশোরীগণ অন্ধকারের যবনিকা ঠেলিয়া উষার দীপ্তি দেখাইয়া অন্যপথে চলিয়া গেল।]

প্রথম অঙ্ক

[গাছার-রাঙ্গের প্রমোদ-উদ্যান ও দরদালান। পশ্চাতে পর্বতমালা। পর্বতপায়ে বাহিয়া উপাধারা বহিয়া যাইতেছে। অনতিদূরে দেখা যাইতেছে গাছার রাজপ্রাসাদ-রুধির-পালক প্রভরের... রামি ভোর হইয়া আসিতেছে। পর্বত-চূড়ায় পাথুর-গণ কৃষ্ণা সত্তমীর চাঁপ। ধীরে ধীরে উষার রক্তিমভা ফুটিয়া উঠিতেছে। স্বর্ণাধারায় সেই রং প্রতিফলিত হইয়া পলিত রামধনুর মত সুন্দর দেখাইতেছে।...প্রমোদ-উদ্যানের অগ্নিশে বাহ উপাধান করিয়া নিশি-জাগরণ-ক্রান্ত সম্রাটের প্রমোদ-সঙ্গিনী তরুণীরা-কিশোরীরা খলিত অঙ্কলে ঘুমাইতেছে।...সহসা রাজপুত্রী ভোরগঘারে প্রভাতী সুরে বীণী ফুকারিয়া উঠিল। ঘুমন্ত তরুণীর দল সচকিত হইয়া জাগিয়া উঠিয়া তন্ত্রালস করে তাহাদের বলনভূষণ সম্বৃত করিতে লাগিল।]

[ভোরের হাওয়ার গান ও নৃত্য করিতে করিতে প্রবেশ]

[গান]

ভোরের হাওয়া ।।

পোহাল পোহাল নিশি খোল গো আঁধি।

কুঞ্জ-দুয়ারে তব ডাকিছে পায়ী ।।

ঐ বংশী বাজে দূরে শোনো ঘুম-ভাঙানো সুরে,
খুলি' ধার বঁধুরে লহ গো ডাকি ।।

[বহুদান]

[গান]

সুন্দরীরা ।।

ভোরের হাওয়া, এলে ঘুম ভাঙাতে কি
চুম হেনে নয়ন-পাতে ।

ঝিরি ঝিরি ধীরি ধীরি কুণ্ঠিত ভাষা
গুণ্ঠিতারে শুনাতে ।।

হিম-শিশিরে মাজি' তনুখানি
ফুল-অঞ্জলি আন ভারি' দুই পাণি,
ফুলে ফুলে ধরা যেন ভরা ফুলদানি—
বিশ্ব-সুখমা-সভাতে ।।

[সহসা শঙ্খধ্বনি শোনা গেল। প্রধান গায়িকা কাকলি
গান করিতে করিতে চলিয়া গেল।]

‘গান]

কাকলি ।।

ফুল কিশোরী! জাগো জাগো, নিশি ভোর।
 দুয়ারে দখিন-হাওয়া-খোল খোল পল্লব-দোর।।
 জাগাইয়া ধীরে ধীরে যৌবন তনু-তীরে
 চ’লে যাবে উদাসী কিশোর।।

[প্রস্থান]

[গান]

সুন্দরীরা ।।

চিনি ও নিতুরে চিনি
 পায়ে দলে মন জ্বিনি’
 ভেঙো না ভেঙো না ঘুম-ঘোর।
 মধুমাसे আসে সে যে ফুলবাস-চোর।।

[একটু পরেই হাসিতে হাসিতে সম্রাট মীনকেতু ও পশ্চাতে সভাকবি
 মধুপ্রবাস প্রবেশ।]

মীনকেতু ।। (তরুণী কিশোরীদের কাহারো গালে, কাহারো অধরে তর্জনী দিয়া মৃদু
 টোকা দিতে দিতে, কাহারো খোঁপা খুলিয়া দিয়া, কাহারো বেণী ধরিয়া
 টানিয়া ফেলিতে ফেলিতে সতৃষ্ণ নয়নে চাহিয়া) সুন্দর! কেমন কবি?

কবি ।। শুধু সুন্দর নয় সম্রাট, অপরূপ! ঐ লতার ফুল সুন্দর, কিন্তু এই রূপের
 ফুলদল অপরূপ!

মীনকেতু ।। (কবির পিঠি চাপড়াইয়া) সাধু কবি, সাধু! সত্যই এ অপরূপ! ...জ্ঞান কবি,
 ঐদের সকলেই আমার স্বদেশিনী নন, ঐরা শত দেশের শত-দল।
 আমার প্রমোদ-কাননে ঐদের সংগ্রহ করেছি বহু অনুসন্ধান ক’রে।
 (পশ্চাতে পর্বত-গাত্রে প্রবাহিতা ঝর্ণা দেখিয়া) পশ্চাতে ওই উদ্দাম
 জলপ্রপাত, আর সম্মুখে এইরূপ-যৌবনের উচ্ছল ঝর্ণাধারা, মধ্যে
 দাঁড়িয়ে আমি, তৃষ্ণার্ত ভোগলিন্দু পুরুষ, যৌবনের দেবতা! (পায়চারি
 করিতে করিতে) আমি চাই-আমি চাই-

কবি ।। “আমরা জানি মাতাল হ’য়ে পাতাল পানে ধাওয়া”-

মীনকেতু ।। হাঁ, ঠিক বলেছ কবি, চোখ পুরে রূপ চাই, পাত্র পুরে সুরা চাই! হেঁঠাৎ

হাসিয়া তরুণী ও কিশোরীদের কাছে গিয়ে) তুই কে রে? ...বস্ৱা
 গোলাব বুঝি? বাঃ, যেমন রং তেমনি শোভা, ঠোঁটে গালে লাল আভা
 যেন ঠিকরে পড়ছে।...তুই—তুই বুঝি ইরানী নার্গিশ? ...হাঁ, নার্গিশ
 ফুলের পাপড়ীর মতই তোমর চোখ! ভুরু ত নয়, যেন বাঁকা তলোয়ার;
 আর তার নিচেই ওই চকচকে চোখ যেন তলোয়ারের ধার! ওঃ, তাতে
 আবার কালে কাজলের শান দেওয়া হয়েছে! একবার তাকালে আর রক্ষে
 নেই! (বুকে হাত দিয়া) একেবারেই ইস্পার উস্পার! (অন্য দিক দিয়া)
 আহা, তুমি কে সুন্দরী? তুমি বুঝি বঙ্গের শেফালি! (কৃত্রিম দীর্ঘশ্বাস
 ফেলিয়া) শেফালি ফুলের মতই তোমার শোভা, শেফালি-বৃন্তের মতই
 তোমার প্রাণ বেদনায় রাঙা! ...আর তুমি? তুমি বুঝি সুদূর চীনের
 চন্দ্রমল্লিকা? তোমার এত রূপ, কিন্তু তুমি অমন ভোরের চাঁদের মত
 পাতুর কেন? অ! তোমার বুঝি এদেশে মন টিক্ছে না? ...তা কি করবে
 বল, টিক্তেই হবে, না টিকে উপায় নেই! আমি যে তোমাদের চাই!
 গাও, গাও মন টেকার গান গাও! যে-গান শুনে সকাল বেলায় ফুল
 বিকল বেলায় কথা ভুয়ে যায়, ভোরের নিশি সূর্যোদয়ের কথা ভোলে;
 বনের পাখী নীড়ের পথ ভোলে...সেই গান।

[সুন্দরীদের গান ও নৃত্য]

[গান]

সুন্দরীরা ।।

যৌবন-তটিনী ছুটে চলে ছলছল।
 ধরণীর তরুণী টলমল টলমল ।।

ফুলের বাঁধন খোল্
 আয় কে দিবি রে দোল্,

প্রাণের সাগরে রোল ওঠে ঐ কনকল্ ।।
 তটে তটে ঘট-কঙ্কণে নট-মন্ত্রারে ওঠে গান,
 মুখে হাসি বুকে শ্বশান।
 আজিও তরুণী ধরা রঙে রূপে ঝলমল,
 রূপে রূপে ঢলঢল ।।

[মানমুখে কৃষ্ণগর প্রবেশ]

মীনকেতু ।। ও কে? কৃষ্ণা? প্রধান মন্ত্রী?—তারপর, এমন অসময়ে এখানে যে।

কৃষ্ণা ।। বিশেষ 'প্রয়োজনীয়' রাজকার্যে আপনার আনন্দের বাধা হয়ে এসেছি, সম্মাট!

[সত্যকবি এতক্ষণ এক ফুল হইতে আর এক ফুলের কাছে গিয়া কি যেন দেখিতেছিলেন, কৃষ্ণার স্বর শুনিয়া চমকিয়া উঠিলেন।]

কবি ।। এ ফুল—সভায় ত রাজসভার মন্ত্রীর আসার কথা নয়, দেবী!

মীনকেতু ।। (হাসিয়া) ঠিক বলেছ কবি, যেমন আমি এখানে এসেছি মীনকেতু হ'য়ে—সম্মাট হ'য়ে নয়।

কৃষ্ণা ।। আমিও ফুলবনে আসি, কবি! তবে তোমাদের মত আয়োজনের আড়ম্বর নিয়া আসিনে। আমি কৃষ্ণা, নিশীথিনী। আমি নীরবে আসি, নীরবে যাই। হয়ত—বা আমার চোখের শিশিরেই তোমাদের কাননের ফুল ফোটে! (সম্মাটের দিকে তাকাইয়া) আমি তাহ'লে যেতে পারি, সম্মাট?

মীনকেতু ।। রাজ্যের ব্যাপার রাজসভাতেই ব'লে! কৃষ্ণা, এখানে নয়। কিন্তু এসেছ যখন, পায়ে একটু ফুলেল হাওয়ার ছোঁয়াচ না—হয় লাগিয়েই গেলে! ওঃ, ভুলে গিয়েছিলুম, ওতে বোধ হয় তোমার মন্ত্রীদের মুখোসটা খুলে কৃষ্ণার মুখোস বেরিয়ে পড়বে! রাত্রির আবরণ খুলে চাঁদের আভা ফু'টে উঠবে।

কৃষ্ণা ।। (ধীর স্থির কণ্ঠে) সম্মাটের কি এটা জানা উচিত নয়, যে, তাঁর সাম্রাজ্যের প্রধান মন্ত্রীর সাথে এই নটীদের সামনে এই ব্যবহার আমাদের সকলেরই মহিমাকে খর্ব করে!

[সম্মাটের ইঙ্গিতে তরুণী ও কিশোরীর দল অভিনন্দন করিয়া চলিয়া গেল।]

মীনকেতু ।। (কৃষ্ণার হাত ধরিয়া) ওরা নটা নয় কৃষ্ণা, ওরা আমার প্রমোদ—সহচরী। আমি রাজ্যের মহিমার মুখোস খুলে এ প্রমোদ—কাননে আসি ওদের নিয়ে আনন্দ কর্তে।

কৃষ্ণা ।। (হস্ত ছাড়াইয়া লইয়া) আমি জানি সম্মাট, যে, নারী জাতিকে অবমাননা করবার জন্যই আমরা, একজন নারীকে—আপনার রাজ্যের প্রধান মন্ত্রীর দায়িত্ব দিয়ে বিদূপ করেছেন! অথবা এ হয়ত আপনার একটা খেলা! কিন্তু সম্মাট, আপনার যা খেলা, তা হয়ত অন্যের মৃত্যু!

- মীনকেতু ।। (হাসিয়া) তুমি যে আজকাল একটুকু রহস্যও সহ্য করতে পার না
 কৃষ্ণ। যে দাড়িভরা হাঁড়িমুখের ভয়ে দেশ থেকে বুড়োগুলোকে
 তাড়ালুম, তারা দেখ'চি দল বেঁধে তোমার মনে আশ্রয় নিয়েছে। তোমার
 মুখের দিকে তাকাতে আমার ভয় হচ্ছে, মনে হচ্ছে চোখ তুলতেই
 দেখব, তোমার মুখে দাড়ির বাজার ব'সে গেছে।
- কবি ।। বুড়োর দাড়ি এমনি ক'রেই প্রতিশোধ নেয় সম্রাট। মুখের দাড়ি মনে
 গিয়ে ধোকা হয়ে ওঠে!

[গান]

এসেছে নবনে বুড়া যৌবনেরি রাজ-সভাতে।
 কুঁজো-পিঠ বই ব'য়ে হায় কলম-ধরা হুঁটো হাতে।।
 ভরিল সৃষ্টি এবার দৃষ্টি খাটো ষষ্টি-ধরা জ্যেষ্ঠতাতে।
 নাতি সব সুপ্নপন্থার নাকি কথার ভূমুণ্ডি মাঠ
 আঁধার রাতে।
 দাওয়াতে টান্ছে হাঁকো, উনুন-মুখো,
 নড়েও না কো ন্যাজ মলাতে।
 ভাই সব বল হরি, কলসী দড়ি, ঝুলিয়েছে
 নিজেই গলাতে।।

- মীনকেতু ।। (হাসিয়া) সত্য বলেছ মধুশ্রবা, বৃদ্ধত্ব আর সংস্কারকে তাড়ানো তত সহজ
 নয় দেখছি। ওরা কোন সময়ে যে শ্রীজ্ঞানামৃত বিতরণের লোভ দেখিয়ে
 তরুণ-তরুণীর মন জু'ড়ে বসে, তা দেবা না জানন্তি। আমি যৌবনের
 হাট বসাব বলে সাম্রাজ্যের বাইরে পিজরাপোল ক'রে বুড়া মনের
 লোকগুলোকে রেখে এলুম, তা'রা কি আবার ফিরে আসতে আরম্ভ
 করেছে? (কৃষ্ণর পানে তাকাইয়া) দেখ কৃষ্ণ, আমি তরুণীদের কাছে
 কিছুতেই গভীর হতে পারি নে। সুন্দরের কাছে রাজমহিমা দেখানোর
 মত হাসির জিনিস আর-কিছু কি আছে? ধর, এই ফোটা ফুলের আর
 ওই সব উনুখ-যৌবনা কিশোরীদের কাছে এমন সুন্দর সকালটা যদি
 রাজ্যের কথা কয়ে কাটিয়ে দিই--ও কি কৃষ্ণ, হাসছ?
- কৃষ্ণ ।। মার্জনা করবেন সম্রাট! আমিও আপনার ঐ আনন্দ হাসির তরঙ্গে
 মাঝে মাঝে ডেসে যাই, ভুলে যাই আপনি আমাদের মহিমাম্বিত সম্রাট,
 আর আমি তাঁর প্রধান মন্ত্রী। (দীর্ঘ নিঃশ্বাস ফেলিয়া) মনে হয় আপনি

আমার সেই ভুলে—যাওয়া দিনের শৈশব—সাথী!

কবি ।। সম্রাট, একজনের মুখ যখন আর একজনের কর্ণমূলের দিকে এগিয়ে আসে, তখন লজ্জায় দায় এড়াতে তৃতীয় ব্যক্তির সেখান থেকে সরে পড়াই শোভন এবং রীতি।

[প্রস্থান]

মীনকেতু ।। (হাসিয়া কবির দিকে তাকাইয়া থাকিয়া—কৃষ্ণার পানে ফিরিয়া) তুমি আমায় জ্ঞান কৃষ্ণা, আমি সিংহাসনে যখন বসি, তখন আমি ঐ—কেবল তোমরা যা বল—মহিমময় সম্রাট, যুদ্ধক্ষেত্রে যখন যুদ্ধ করি তখন আমি রক্ত—পাগল সেনানী, কিন্তু সুন্দর ফুলবনে আমিও সুন্দরের ধোয়ানী, হয়ত—বা কবিই। যেখানে শুধু তুমি আর আমি, সেখানে তুমি আমায় সেই ছেলেবেলার মত ক'রেই ডাক—নাম ধ'রে ডেকো!

কৃষ্ণা ।। জ্ঞানি না, তুমি কি! এতদিন ধরে ত তোমায় দেখেছি, তবু যেন তোমায় বুঝতে পারলুম না। আকাশের চাঁদের মতই তুমি সুদূর, অমনি জ্যোৎস্নায় কলঙ্কে মাখামাখি।

মীনকেতু ।। তবুও ওই সুদূর কলঙ্কী—ই ত পৃথিবীর সাত সাগরকে দিবারাত্রি জ্যোয়ার—ভাটের দোল খাওয়ায়!

কৃষ্ণা ।। সত্যিই তাই। এমনি তোমার আকর্ষণ। (একটু তাবিয়া) আচ্ছা মীনকেতু, তুমি কখনো কাউকে ভালোবেসেছিলে—মনে পড়ে?

মীনকেতু ।। (হাসিয়া) চাঁদ কাকে ভালোবাসে কৃষ্ণা?

কৃষ্ণা ।। ও কলঙ্কী, ও হয়ত কাউকেই ভালোবাসে না।

মীনকেতু ।। (হাততালি দিয়া) ঠিক বলেছ কৃষ্ণা, ওই কলঙ্কীকেই সবাই ভালোবাসে, ও কাউকে ভালোবাসে না!

[গান করিতে করিতে একটি মেয়ের প্রবেশ]

[গান]

মেয়েটি ।।

কেন ঘুম ভাঙালে প্রিয়

যদি ঠেলেবে পায়ে ।।

বৃথা বিকশিত কুসুম কি যাবে শুকায়ে।

একা বন—কুসুম ছিনু বনে ঘুমায়ে ।।

ছিল পাশরি' আপন বেড়ুল কিশোরী হিয়া

বধুর বিধুর যৌবন কেন দিলে জাগায়ে।

প্রিয় গো প্রিয়—
আকাশ বাতাস কেন ব্যথার রঙে তুমি
দিলে রঙায়ে।।

মেয়েটি ।। রাজা, কল রাতে তোমার অনুরাগ দিয়ে আমায় বিকশিত করেছিলে।
আমার সেই বিকশিত ফুলের অর্ঘ্য তোমায় দিতে এসেছি। তুমি
বলেছিলে...

মীনকেতু ।। (হাসিয়া) সুন্দরী, রাতে তোমায় যে-কথা বলেছিলুম, তা রাত্রে
জন্যই সত্য ছিল ।। দিনের আলোকেও তা সত্য হবে এমন কথা ত
বলিনি। রাতে যখন কাছে ছিলে, তখন তুমি ছিলে কুমুদিনী, আমি ছিলুম
চাঁদ। এখন দিন যখন এল, তখন আমি হলুম সূর্য, আমি এখন
সূর্যমুখীর, কমলের! যাও! চ'লে যাও! বিকশিত হয়েছে, এখন সারাদিন
চোখ বোঁজে থেকে সন্ধ্যাবেলায় ঝ'রে পড়ে! যাও!

[স্নানমুখে দু'হাতে চোখ ঢাকিয়া মেয়েটির প্রস্থান।]

কৃষ্ণা ।। (আহত স্বরে) মীনকেতু!
(মীনকেতু হো হো ক'রে হেসে উঠল।)

[গান করিতে করিতে আর একটি মেয়ের প্রবেশ। নাম তার মালা।]

[গান]

মালা ।।

চাঁদিনী রাতে কানন-সভাতে আপন হাতে গাঁথিলে মালা।

নিবিড় সুখে সয়েছি বুকে তোমার হাতের সূটার জ্বালা।।

এখনো জ্বাণে লোহিত রাগে

রঙীন গোলাবে তাহারি ব্যথা,

তোমার গলে দু'লি ব'লে

দিয়েছি কুলে কলঙ্ক কালা।।

যদি ও-গলে নেবে না তুলে

কেন বধিলে ফুলের পরান,

অভিমাণে হয় মালা যে শুকায়

ঝ'রে ঝ'রে যায় লাঞ্জে নিরলা।।

মীনকেতু ।। তুমি আবার কে সুন্দরী?

মালা ।। সম্মতি, চিনতে পারছ না? আমার নাম মালা! কাল সারারাত যে তোমার জলা জড়িয়ে ছিলাম। আমি ছিলাম কাঁটাবনের ছড়ানো ফুল, তুমি ত আমার মালা ক'রে সার্থক করছ।

মীনকেতু ।। আর, তুমি যদি সার্থকই হয়ে গেলে, তবে আবার কেন? এখন তোমার সূতো থেকে একটি একটি ক'রে ফুল বড়ো পড়ুক। ফুল ফুটলে ওকে যেমন মালা গেঁথে সার্থক করতে হয়, তেমনি রাত্রিশেষে সে বাসিমালা ফেলেও দিতে হয়!

বুক চাপিয়া ধরিয়া মালার গহ্বান।

কৃষ্ণা ।। উঃ! আর আমি থাকতে পারছিনে! মীনকেতু! তুমি কি?

মীনকেতু ।। হাঁ, ওই গুর নিয়তি। রাতের বাসিফুলকে রাত্রিশেষেও যে আঁকড়ে প'ড়ে থাকে, তার সহায়-সম্মত নেই-ই, তার যৌবনও ম'রে গেছে।

কৃষ্ণা ।। নিষ্ঠুর! তোমার কি হৃদয় ব'লে-মনুষ্যত্ব ব'লে কিছু নেই?

মীনকেতু ।। (হাসিয়া) আমি মনুষ্যত্বের পূজা করি না, কৃষ্ণা! আমি যৌবনের পূজারী! ফুল আর হৃদয় দলে চলাই আমার ধর্ম।

কৃষ্ণা ।। তোমায় দেখে বুঝতে পারি মীনকেতু, কেন শাস্ত্রে বল পাড়ার দেবতা মারের চেয়ে সুন্দর এ বিশ্বে কেউ নেই।

মীনকেতু ।। (হাসিয়া কৃষ্ণার পাশে তর্জনী দিয়া মৃদু আঘাত করিতে করিতে) ঠিক বলেছ কৃষ্ণা, মারের চেয়ে, মিথ্যার চেয়ে, মায়ার চেয়ে কি সুন্দর কিছু আছে? চাঁদে কলঙ্ক আছে বলেই ত চাঁদ এত আকর্ষণ করে, তোমার কপালের ঐ কালো টিপটাই ত তোমার মুখের সমস্ত লাভণ্যকে হার মানিয়েছে। রামধনু মিথ্যা বলেই ত অত সুন্দর! যৌবন ভুল করে পাপ করে বলেই ত গুর উপর এত লোভ, ও এত সুন্দর!

মুখে-চোখে বিলাস-ক্রান্তির চিহ্ন-যুক্তা মদোন্মত্তা
এক নারীর টলিতে টলিতে প্রবেশ।

[গান]

মদাশ্রম ।।

কেন রক্তিন নেশায় মোরে রাঙালে।

কেন সহজ ছন্দে যতি ভাঙালে।

শীর্গা তনুর মোর তটিনীতে কেন

আনিলে ফেনিল জল-উজ্জ্বাস হেন,

পাতাল-তলের ক্ষুধা মাতল এ যৌবন

মদির-পরশে কেন জাগালে।।

কৃষ্ণা ।। ও কুশসিত নারীকে এখনি তাড়াও এখন থেকে! ও কে তোমার?

মীনকেতু ।। (হাসিয়া) তুমি যে পাপের মিথ্যার কথা বলছিলে, ও হচ্ছে তারই অপদেবতা! তোমাদের দেবতার মন্দির থেকে ফেরবার পথে ঐ অপদেবতাকে দেখলে ওকেও নমস্কার করতে জুলিনে, কৃষ্ণ! ওর বাঁকা চোখ তোমার সত্যের সোজা চোখের চেয়ে অনেক বেশী সুন্দর।

কৃষ্ণ ।। উঃ ভগবান! (বসিয়া পড়িল।)

মীনকেতু ।। (মেয়েটির দিকে তাকিয়ে) তুমি মদালসা না বসন্তসেনা? গরির একটা-কিছু হবে বুঝি? কিন্তু আজ অতিরিক্ত মদ খেয়েছ এবং অলসও যে হ'লে তা চলা দেখেই বুঝেছি।

মদালসা ।। কি প্রাণ, আজ যে ফুরসৎই নেই? (কৃষ্ণকে দেখে) একে আবার কোথা থেকে আমদানি করলে? আমরা কি চিরকালের জন্যে রক্তানি হয়ে গেলুম? আচ্ছা, এ রাজ্যি থাকবে না বেশিদিন। দেখি প্রাণ, তখন কার দাঁড়ে গিয়ে যব-ছেলা খাও!

মীনকেতু ।। আহা রাগ করো কেন সুন্দরী, মাঝে মাঝে পুণ্য ক'রে পাপেরও মুখ বদলে নিতে হয়, এ-সব পুণ্যস্বারা যখন বাসি হয়ে উঠবেন তখন তোমারই দুয়ারে আবার যাব।

[মদালসার চপিতে চপিতে গহন।]

[প্রধানা গায়িকা কাকলি ও সখীদের গান।]

[গান]

কাকলি ও সখীরা ।।

ধর ধর ভর ভর এ রক্তীন পেয়ালী।

আঁধার এ নিশীথে জ্বালো জ্বালো দেয়ালী।

চাঁদিনী যবে মলিন প্রথর আলোকে

প্রদীপ নব জ্বালো গো চোখে,

নতুন নেশা লয়ে জাগো জাগো খেয়ালী।

ডোলো ভোলো রাতের স্বপন,

প্রভাতে আনো নব জীবন!

শতদলে আঁখি-জলে করো গোপন,

হয় বেদনা ভরে কার ভরে

বুধাই খেয়ালি।।

মীনকেতু ।। ঠিক সময় এসেছে তোমরা কাকলি। তোমার যৌবনের গান আর

এদের যৌবনের প্রতীক্ষাই করছিলুম। এই ফুলফোটার পান শুনে
বালিকা কিশোরী হম, তরুণী যৌবন পায়, রাতের কুড়ি দিনের ফুল হয়ে
আসে, এই আমার রাজ্যের জাতীয় সঙ্গীত!

- কবি ।। ঠিক রাজ্যের নয় সম্রাট, এ আমাদের যৌবনের জাতীয় সঙ্গীত।
- মীনকেতু ।। (কবিকে সুরাপাত্র আগাইয়া দিয়া) নাও কবি, একটু অমৃত পান ক'রে
নাও, তোমার কণ্ঠে আরো—আরো অমৃত ঝরে পড়ুক। (কৃষ্ণার দিকে
চাইয়া) কিন্তু কৃষ্ণা, তুমি অমন ম্লান মুখে ব'সে থেকে না। উৎসবের
সহস্র প্রদীপের মাঝে একটা প্রদীপও যদি মিটমিট করতে থাকে—
- কৃষ্ণা ।। মীনকেতুর মুখের কথা কাড়িয়া লইয়া তখন তাকে একেবারে
নিবিয়ে দেওয়াই সম্ভব, সম্রাট!
- মীনকেতু ।। (সুরার পাত্র কৃষ্ণার দিকে আগাইয়া দিয়া) আমি প্রদীপ নিবাই না
কৃষ্ণা, ভালো ক'রে ছেলে ছু'লে তার আলোতে গিয়ে জাঁকিয়ে বসি।
এই নাও, একটু স্নেহ—পদার্থ ঢেলে নাও, নিষু নিবু প্রদীপ দপদপ ক'রে
ছলে ওঠবে।
- কৃষ্ণা ।। (পিছাইয়া গিয়া) আমি দীপশিবা নই সম্রাট, আমি কৃষ্ণা, নিশীথিনী।
আর—ও—সুধা আপনারাই পান করুন।
- কবি ।। বোতলকে মাতাল হ'তে কে দেখেছে কবে, সম্রাট! ওদের যে অন্তরে
বাহিরে সুধা, ওদের সুধার দরকার করে না।
- মীনকেতু ।। না হে কবি, উনি হচ্ছেন, "নীলকণ্ঠী"—শিব ত বলতে পারিনে, শিবা
বলবে? নাঃ, তা' হলে হয়ত এখনি বিদ্রী তান ধ'রে দেবে। কিন্তু কৃষ্ণা,
তুমি যদি নিশীথিনীই হও, আমি ত কলঙ্কী চাঁদ। চাঁদ উঠলে ত
নিশীথিনীর মুখ অমন মদ্র—মুখো হ'য়ে থাকে না।
- কৃষ্ণা ।। কিন্তু আজকের এ চাঁদ দ্বিতীয়ার চাঁদ, সম্রাট! এ চাঁদের কিরণে
নিশীথিনীর মুখে যে হাসি ফুটে ওঠে, তা' কান্নার চেয়েও করুণ।
- কবি ।। বাবা, অমন ষোলকলায় পূর্ণ চাঁদও দ্বিতীয়ার চাঁদ হ'য়ে গেল! অঃ! ওর
চৌদ্দটা কলাই বুঝি আজ অন্ধকারে ঢাকা!
- কৃষ্ণা ।। হী কবি, সময় সময় চাঁদের কলাকটা এমনি বিপুল হ'য়ে ওঠে!
(সম্রাটের দিকে তাকিয়ে) ও কলাক নয় সম্রাট, ও হচ্ছে দুঃখের পৃথিবীর
ছায়া।
- মীনকেতু ।। অঃ, তুমি শুধু নিশীথিনীই নও—তুমি কুমাশা! এই ক্ষীণ দ্বিতীয়ার
চাঁদের জ্যেষ্ঠাটুকুকেও মলিন না ক'রে ছাড়বে না! যাক ওটাও আমার
মন্দ লাগে না। সুন্দরের মুখে হাসি যেমন মানায়, ও চোখের মরীচিকাও
তার চেয়ে কম মানায় না! (দূরে সূর্যোদয়) ওই সূর্য ওঠছে, ওই সূর্য—ও

যেন দুঃখের, জরার প্রতীক। ওর খরতাপে অশ্রু শুকায়, ফুল ঝরে,
তরুণী উষার গালের লালি যায় জ্ঞান হয়ে, রাতের চাঁদ হয়ে ওঠে
দীপ্তিহীন। নাঃ, আজকের মদে জলের ভাগই বোধ হয় বেশী
ছিল—নেশটা ক্রমেই পান্সে হ'য়ে আসছে। কই কবি, তোমার
সেনাদল গেল কোথায়?

[গান]

তরুণীরা ।।

আধো ধরণী আলো আধো আঁধার ।।
কে জানে দুঃখ—নিশি পোহাল কার ।।

আধো কঠিন ধরা, আধেক জল,
আধো মৃগাল—কাঁটা আধো কমল,
আধো সুর, আধো সুরা,—বিরহ বিহার ।।

আধো ব্যথিত বুকে আধেক আশা,
আধেক পোপন, আধেক ভাষা!
আধো ভালবাসা আধেক হেলা,
আধেক সীম আধো প্রভাত—বেলা,
আধো রবির আলো আধো নীহার ।।

[কবি ছাড়া আর সকলের প্রস্থান]

মীনকেতু ।। কবি!

কবি ।। যাচ্ছি সম্রাট! আকাশের দেবী ও মাটির মানুষে যখন নিরিবিলি দুটো
কথা কওয়ার জন্যে মুখ চাওয়া-চাওয়ি করে তখন সব চেয়ে মঞ্চি হই
ত্রিশঙ্কর। লজ্জার দায় এড়াতে বেচারী স্বর্গেও ওঠে যেতে পারে না,
পৃথিবীতেও নেমে আসতে পারে না!

[প্রস্থান]

মীনকেতু ।। (চলে যেতে যেতে ফিরে এসে) যার আগে যাওয়ার কথা, সে—ই যে
দাঁড়িয়ে রইল কৃষ্ণা!

কৃষ্ণা ।। আমি ভাবছি সম্রাট, এই ফুল দ'লে চলার কি কোনো জবাবদিহি
করতে হবে না কারুর কাছে? এর কি সত্যিই কোনো অপরাধ নেই?

মীনকেতু ।। নেই কৃষ্ণা, কোনো অপরাধ নেই। আর যদি থাকেই ত সে অপরাধ

আমার নয়,—সে অপরাধ এই চলমান পায়ের, আমার দৃষ্ট গতিবেগের।
এই হচ্ছে চির-চঞ্চল যৌবনের চিরকালের রীতি, এই অপরাধে যৌবন
যুগে যুগে অপরাধী।

[প্রস্থান]

কৃষ্ণা ॥ (সেইদিকে তাকাইয়া থাকিয়া) নির্মম! দস্যু! (কৃতজ্ঞলিপুটে আবুল
কঠে) তবুও তুমি সুন্দর—অপরাধ। কিন্তু একি! কান্নায় আমার বুক ভেঙে
আসছে কেন? ও ত আমার হৃদয়ের কেউ নয়, শুধু এই রাজ্যের রাজা!
আমিও ওর কেউ নই। ও সম্রাট, আমি মন্ত্রী। তবু—এমন করে কেন?
উঃ! এ কোন্ মায়ামৃগ আমায় ছলনা করতে এল? (মাটিতে লুটাইয়া
পড়িল)

[কাকলি আসিয়া নীরবে তাহার মাথায় হাত বুলাইতে লাগিল,
কাকলি গান করিতে আরম্ভ করিলে কৃষ্ণা উঠিয়া বসিল।]

[গান]

কাকলি ॥

অঁধার রাতে কে গো একেলা।
নয়ন—সলিলে ভাসালে ভেলা।।
কি দুখে আজি যোগিনী সাজি'
আপনারে লয়ে এ হেলা—ফেলা।।

সোনার কঁকন ও দুটি করে
হের গো জড়িয়ে মিনতি করে।
ফেলিয়া ধূল্যম্ব দিও না গো তায়
সাধিছে নূপুর চরণ ধরে।

কঁদিয়া করে খোঁজ ওপারে
আজও যে তোমার প্রভাত বেলা।।

কৃষ্ণা ॥ দেখেছিস কাকলি, এই তার দৃষ্ট পদরেখা। (পথ হইতে একটি
পদদলিত রাঙা গোলাব তুলিয়া লইয়া) এই তার পায়ের—দলা রক্ত
গোলাব, এমনি ক'রে ফুল আর হৃদয় দ'লে সে তার পায়ের তলার পথ
রক্ত—রাঙা ক'রে চ'লে যায়।

কাকলি ॥ কেন ভাই, আলোয়ার পিছনে ঘুরে মরছ? হৃদয় দ'লে চলাই যার ধর্ম,
কেন—

কৃষ্ণা ॥ তুই ভুল বুঝেছিস কাকলি! আমি ওর কথা ভেবে কষ্ট পাই নারী

ব'লে। বন্ধু ব'লে। তবু ও আলো কেন যেন কেবলি টানতে থাকে। আমি
প্রাণপণে বাঁধা দিই। মাঝে মাঝে হয়ত মনে হয়, ওই মিথ্যার পেছনে
ঘোরার চেয়ে বুঝি বড় আনন্দ আমার জীবনে আর নেই। হৃদয়ের না
হলেও ও ত শৈশবে বন্ধু ছিল।...আচ্ছা কাকলি, তুই যে গান গাইলি এ
কারণে কাছ থেকে শিখেছিস?

কাকলি ।। কবি মধুশ্রবার কাছ থেকে।

কৃষ্ণা ।। কবি মধুশ্রবা! এমন চোখের জলের গান সে লিখলে? সে যে
আনন্দের পাখী, সে ত দুঃখ-বেদনাকে স্বীকারই করে না! সবাই দেখছি
তা' হলে আলোর পেছনে ঘুরছে!

কাকলি ।। এ কথা আমিও কবিকে বলেছিলুম। সে হেসে বললে, কাঁটার মুখে যে
ফুলের সার্থকতা আমি তাকেই দেখি, আমার বুকের তারগুলো ব্যথায়
অত টনটন করে ওঠে ব'লেই ত হাতে এমন বীণা বাজে।

কৃষ্ণা ।। (চিন্তিত হইয়া) হঁ, আমি বুঝেছি কাকলি। কবি এক-একদিন কেমন
ক'রে যেন আমার দিকে চায়। (একটু ভাবিয়া) কিন্তু সে তার কথার ঝড়ে
মনের মেঘকে কেবলই দক্ষিণ থেকে উত্তরে ঠেলে দেয়। ও-ই সব চেয়ে
সুখী! কোনো কিছু দাবী করে না, কেবল দিয়েই ওর আনন্দ।

[চন্দ্রকেতুর প্রবেশ]

সেনাপতি, তুমি এখানে! তুমি সীমান্ত রক্ষা করতে যাওনি? কাকলি
তুই চল, আমি যাচ্ছি।

[কাকলির প্রস্থান]

চন্দ্রকেতু ।। তুমি কোন্ সীমান্ত রক্ষার কথা বলছ কৃষ্ণা?

কৃষ্ণা ।। তুমি কি জান না, যশলীয়ারের রানী জয়ন্তী গাঙ্গার রাজ্য আক্রমণ
করেছে?

চন্দ্রকেতু ।। জানি কৃষ্ণা, শুধু আক্রমণ নয়, আমাদের সীমান্তরক্ষী সেনাদলকে
পরাজিত ক'রে রাজধানীর দিকে অগ্রসর হচ্ছে।

কৃষ্ণা ।। আমাদের অপরায়ে সেনাদল পরাজিত হ'ল একজন নারীর হাতে?
আর তা জেনেও তুমি আজও রাজধানীতে ব'সে আছ?

চন্দ্রকেতু ।। আমার কর্তব্য আমি জানি কৃষ্ণা। নারীর বিরুদ্ধে আমি অস্ত্রধারণ করি
নে। আমার সহকারী সেনাপতিকে পাঠিয়েছি, ওনহি সে-ও নাকি
পরাজিত হয়েছে।

কৃষ্ণা ।। আমি এ সাম্রাজ্যের প্রধান মন্ত্রী, আমি জানতে চাই সেনাপতি,
আমাদের অপরায়ে সেনাদলের এই সর্বপ্রথম পরাজয়ের লজ্জা কারণে
কে এর জন্য দায়ী?

চন্দ্রকেতু ।। তুমি।

কৃষ্ণা ।। আমি।

চন্দ্রকেতু ।। হী তুমি! (ব্যথাক্রিষ্ট কণ্ঠে) আমি কোন সীমান্ত রক্ষা করব কৃষ্ণা! জয়ন্তী গান্ধার সাম্রাজ্যের পূর্ব সীমান্ত আক্রমণ করেছে, সে আক্রমণ প্রতিরোধ করতে কতটুকু শক্তির প্রয়োজন? কিন্তু এ হৃদয়ের পূর্ব সীমান্ত যে আক্রমণ করেছে তার সাথে যে পারিনে।

কৃষ্ণা ।। (দৃষ্ট কণ্ঠে) সেনাপতি, আমি শুধু কৃষ্ণা নই, আমি এ সাম্রাজ্যের প্রধান মন্ত্রী।

চন্দ্রকেতু ।। জ্ঞানি কৃষ্ণা! তুমি যখন রাজসভায় প্রধান মন্ত্রীর আসনে বস, তখন তোমায় অভিবাদন করি, কিন্তু যে তার অন্তরের বেদনার ভারে এই পথের ধূলায় লুটিয়ে পড়ে, তার নাম হতভাগিনী কৃষ্ণা!

কৃষ্ণা ।। (চমকিত হইয়া স্নিগ্ধ কণ্ঠে) চন্দ্রকেতু, বন্ধু!

চন্দ্রকেতু ।। (আকুল কণ্ঠে) ডাক কৃষ্ণা, সেনাপতি নয়, বন্ধু নয়, শুধু আমার নাম ধরে ডাক। তোমার মুখে আমার নাম যেন কত যুগ পরে শুনলুম। আঃ! নিজের নামও নিজের কানে এম মিষ্টি শুনায়! এমনি ক'রে কৈশোরে তুমি আমার নাম ধ'রে ডাকতে, আর আমার রক্তে যেন আঙন ধ'রে যেত।

কৃষ্ণা ।। (জ্ঞান হাসি হাসিয়া) আজো তোমার মনে আছে সে কথা? আমারও মনে পড়ে চন্দ্রকেতু, একদিন তুমি, আমি আর মীনকেতু এই প্রমোদউদ্যানের পথে এক সাথে খেলা করেছি, তখনো রাজার সিংহাসন আর রাজ্যের দায়িত্ব এসে আমাদের আড়াল ক'রে দাঁড়ায়নি। (দীর্ঘনিঃশ্বাস ফেলিয়া) তখন কে জানত, এই পথেই আমাদের নতুন ক'রে খেলা শুরু হবে। (একটু ভাবিয়া হাসিয়া) আমি মীনকেতুর পাশে ব'সে তাকে বলতাম, তুমি রাজা, আমি রানী, ফিরে দেখতাম তুমি জ্ঞান মুখে চলে যাচ্ছ, আমার চাঁদনী রাত যেন বাদল! মেঘে ছেয়ে ফেলত।

চন্দ্রকেতু ।। সত্য বলছ কৃষ্ণা? আমার অশ্রু তোমার চাঁদনী রাতকে মলিন করেছে কোনোদিন তাহ'লে?

কৃষ্ণা ।। করেছে বন্ধু! তুমি আমার বুকে মাধবী রাতের পূর্ণ চাঁদের রূপে উদয় হওনি কোনোদিন, কিন্তু চোখে বাদল রাতের বর্ষাধারা হ'য়ে নেমেছ।

চন্দ্রকেতু ।। (উত্তেজিত কণ্ঠে) ধন্যবাদ কৃষ্ণা! কিন্তু তোমার এও হৃদয় মনে আছে যে, আমি শৈশবের সে খেলায় বারবার জ্ঞানমুখে ফিরেই আসিনি! একদিন বিদ্রোহ ঘোষণা করেছিলুম, তোমার বিরুদ্ধে, তোমার মীনকেতুর বিরুদ্ধে। তোমায় জোড় ক'রে ছিনিয়ে নিলুম, মীনকেতু যুদ্ধ করলে, কিন্তু আমার হাতে পরাজিত হ'ল। বিজয়গর্বে উৎফুল্ল হ'য়ে তোমার দিকে চেয়ে দেখলুম, তুমি কঁদছ। বুঝলুম, তুমি বিজয়ীকে চাও

না—তুমি চাও তাকেই যার কাছে তুমি পরাজিতা শাস্তি। তোমায় ফিরিয়ে দিলুম তোমার রাজ্য হাতে।

কৃষ্ণা ।। তুমি ভুল করেছে চন্দ্রকেতু! হয়ত সবাই এই ভুল করে। আমি মানি, মীনকেতুকে আমার ভালো লাগে। কিন্তু সে ভালো লাগা ভালোবাসা নয়। সিংহ দেখলে যেমন আনন্দ হয়, ভয় হয়, এও তেমনি। কিন্তু সে কথা থাক, সেদিন তোমার হাতে পরাজিত হ'য়ে মীনকেতু কি বলেছে, মনে আছে? সে হেসে বলেছিল, 'বন্ধু, আমি যদি কৃষ্ণাকে তোমার মত ক'রে চাইতুম, তাহ'লে আমিও তোমায় এমনি ক'রে পরাজিত করতুম। যাকে চাইনে তার জন্যে যুদ্ধ করতে শক্তি আসবে কোথেকে।' সে আরো বলেছিল, 'চন্দ্রকেতু, আমি যদি সম্রাট হই, তোমাকে আমার সেনাপতি করব।'

চন্দ্রকেতু ।। সেনাপতি আমায় সে করেনি, আমি আমার শক্তিতে সেনাপতি হয়েছি। কিন্তু কৃষ্ণা, কি নিষ্ঠুর তুমি, ও—কথাগুলো তোমার মনে না করিয়ে দিলেও ত চলত।

কৃষ্ণা ।। দুঃখ কারো না বন্ধু, তোমায় বুকের প্রেম দিতে পারিনি বলেই ত চোখের জল দিই। আমি নারী আমি জানি, হৃদয়হীনতা দিয়ে হৃদয়কে যত আকর্ষণ করা যায়, তার অর্ধেকও হয়তো ভালোবাসা দিয়ে আকর্ষণ করা যায় না। আমি ভালোবাসা পাইনি, তুমিও ভালোবাসা পাওনি—এইখানেই ত আমরা বন্ধু! কিন্তু তুমি ত আমার চেয়েও ভাগ্যবান। আমি যে কাউকে ভালোবাসতেই পারলুম না। তুমি ও তবু একজনকে ভালোবাসতে পেরেছ!

চন্দ্রকেতু ।। দোহাই কৃষ্ণা, বন্ধু বোলো না! বোলো না! আমি চাই না তোমার কাছে এটুকু। বন্ধু মনের ক্ষুধা মেটাতে পারে, হৃদয়ের তৃষ্ণা মেটাতে পারে না। (হাত ধরিয়া) কৃষ্ণা!

কৃষ্ণা ।। (ধীরে হাত ছাড়াইয়া লইয়া) কিন্তু তা ত হয় না চন্দ্রকেতু!

[গান করিতে করিতে কাকলির প্রবেশ]

[গান]

কাকলি ।।

যৌবনে যোগিনী আর কতকাল
র'বি অভিমানিনী।

ফিরে ফিরে গেল কেঁদে মধুযামিনী।।

লয়ে ফুল ডালি এল বনমাঙ্গি,

জ্বালিল আকাশ তারার দীপালি,
ভাঙিল না ধ্যান মন্দির-বাণিনী ।।

কৃষ্ণা ।। আমি চললুম, রাজসভায় যাওয়ার সময় হ'ল, পথ ছেড়ে দাও!
চন্দ্রকেতু ।। আমি কোনো দিনই তোমার পথরোধ ক'রে দাঁড়াইনি কৃষ্ণা! আজো
দাঁড়াব না। আমি চিরকালের জন্য তোমার পথ থেকে সরে যাব। কিন্তু
যাবার আগে আমার শেষকথা ব'লে যাব।

কৃষ্ণা ।। কাকলি, তুই চল, আমি যাচ্ছি। [কাকলির প্রস্থান]
চন্দ্রকেতু ।। তুমি জান কৃষ্ণা, আমি জীবনে কোনো যুদ্ধে পরাজিত হইনি।
একদিন শৈশবে যেমন জোর ক'রে তোমায় ছিনিয়ে নিয়েছিলুম, ইচ্ছা
করলে আজো তেমনি ক'রে ছিনিয়ে নিতে পারি। আমার হাতে সাম্রাজ্য
নেই, কিন্তু তরবারি আছে, বাহতে শক্তি আছে—কিন্তু না—তা নেব না।
তোমাকে জয় ক'রেই নেব।

কৃষ্ণা ।। যুদ্ধ-জয় আর হ্রদয়-জয় সমান সহজ নয় সেনাপতি।
চন্দ্রকেতু ।। বেশ কৃষ্ণা, আমিও না-হয় হ্রদয়ের ওই রাঙা রণভূমে পরাজিত
হ'য়েই লুটিয়ে পড়ব! কিন্তু সেই পরাজয়ই হ'বে আমার শ্রেষ্ঠ যুদ্ধজয়।
আমি জানি, আজ আমি যেমন ক'রে তোমার পায়ে লুটিয়ে পড়ছি তুমিও
সেদিন পরাজিত-আমার বিদায়-পথের ধূলায় লুটিয়ে পড়বে; কিন্তু
সেদিন আমি তোমারই মত উপেক্ষা ক'রে চলে যাব নিরুদ্দেশের পথে।
[প্রস্থান]

কৃষ্ণা ।। (মূঢ়ের মত সেইদিকে তাকাইয়া আকুল কণ্ঠে) কে আমার নাম
রেখেছিল কৃষ্ণা? কৃষ্ণা নিশীথিনীর মতই আমার এক প্রান্তে সূর্যাস্ত, আর
এক প্রান্তে পূর্ণ চাঁদের উদয়! না! না! সূর্যাস্ত কখন হ'ল?—এ কি বলছি?
[রাজসভার সাজে সজ্জিত হইয়া মীনকেতুর প্রবেশ]

মীনকেতু ।। সত্যি কৃষ্ণা, কুহেলিকারও একটা আকর্ষণ আছে! আমি রাজসভায়
যাচ্ছিলুম, যেতে যেতে তোমার স্থান মুখ মনে পড়ল। মনে হ'ল, এখানে
তুমি তেমনি ক'রে বসে আছ। রাজসভা আজ এখানেই আস্থান কর।
সভাসদগণকে খবর পাঠাবার ব্যবস্থা কর।

[অভিবাদন করিয়া কৃষ্ণার প্রস্থান ও রঙ্গনাথের প্রবেশ]

মীনকেতু ।। এস, এস রঙ্গনাথ, বড় একা একা ঠেকেছিল। তুমি বোধ হয় শুনেছ,
আমি আমার এ প্রমোদ-কাননেই আজ রাজসভা আস্থান করেছি। (হঠাৎ

চমকিত হইয়া রুক্ষস্বরে) কিন্তু ও কি রুক্ষনাথ, তুমি আবার দাড়ি রাখতে শুরু করেছ? জান আমার আদেশ, কেউ দাড়ি রাখলে তাকে কি দণ্ড গ্রহণ করতে হয়? ও কুশ্রী জিনিস রূপকে কলঙ্কিত করে, যৌবনের সভায় ওর স্থান নেই।

রুক্ষনাথ ।। জানি সম্রাট, দাড়ি রাখতে চাইলে আমার দেহ আর মাথাটাকে ধ'রে রাখতে পারবে না। কিন্তু চাঁদের কলঙ্কের মত দাড়িতে কি মুখের জৌলুস বাড়ে না, সম্রাট? তা ছাড়া কি করি বলুন, আমি ত দাড়ি চাইনে, কিন্তু দাড়ি যে আমায় চায়। ও বুঝি আমার আর-জনের পরিত্যক্তা কালো বউ ছিল, তাই এজন্যে দাড়ি-রূপে এসে তার প্রতিশোধ নিচ্ছে। কিন্তুতেই গাল ছাড়তে চায় না, যত দূর ক'রে দিই তত সে আঁকড়ে ধরে। তা ছাড়া, সম্রাট, আমরা কামাব দাড়ি, আর নাপিত কামাবে পরসা—এও ত আর সহ্য করতে পারিনে।

মীনকেতু ।। (হাসিয়া) আচ্ছা, এবার থেকে আমার নরসুন্দরকে বলে দেব, তোমার কাছে সে পরসা কামাবে না, দাড়িই কামাবে।

রুক্ষনাথ ।। দোহাই সম্রাট! পরসা কামিয়েই ওরা দাড়ির চেয়ে গালই কামায় বেশী, কিন্তু বিনি-পরসায় কামান হলে হয়ত গলাটাই কামিয়ে দেবে! আর কৃপা ক'রে যদি পাঠানই, তবে নরসুন্দরকে না পাঠিয়ে ক্ষুরসুন্দর কাউকে পাঠাবেন। ওর ক্ষুর তো নয় যেন খুরপো! সম্রাট একটা গান শুনবেন? গানটা অবশ্য আমার স্ত্রী রচনা করেছেন!

মীনকেতু ।। (উচ্চ হাস্য করিয়া) তোমার স্ত্রীর গান? তাও আবার তোমার দাড়ি নিয়ে? গাও, গাও—ও চমৎকার হবে।

রুক্ষনাথ ।। সে ত গান নয় সম্রাট—সে শুধু নাকের জল চোখের জল। আমার বড় দাড়ির অভ্যাচার তার সয়েছিল, কিন্তু কামান দাড়ির খোচানি আর সইতে না পেরে বেদনার আনন্দে কবি হ'য়ে গানই লিখে ফেল্প।

[গান]

খুচি খুচি সূচি-সারি

হাঁড়ি মুখে কালো দাড়ি

যেন কন্টক বঁচির বনে।

তারে ছাড়াতে বসন ছিঁড়ে, ক্ষুর ভাঙে রণে।।

দেয় ভঙ্গ রণে ক্ষুর খুরপো হ'য়ে

তারে কাটতে পাশায় মাঠে কাস্তে ভয়ে!

সে যে আঁধায় বাদাড়-বন শাশুর বৌপ,

পাশে গুল্লতীর কাড় কটক-গৌফ ।
 (শ্যামের দাড়ি রে-)
 শয়নে যাইতে মোর নয়ন বুঝে লো সই
 অক্ল কঁপিয়া মরে ডরে । (সখি লো)
 ও যে মুখ নয়, পিতামহ ভীম শুইয়া যেন
 খর শর-শয্যার পরে! (সখি লো)
 শঙ্করসর সনে নিতি লড়াই
 যাই রে দাড়ির বালাই যাই ।
 শ্যামের দীর্ঘ শাশু ছিল যে গো ভালো
 ছিল না খৌচার ছালা
 আমায় দাড়ির আঁঙ্গুল বুলায়ে বুলায়ে
 ঘুম পাড়াইত কালা ।

আমার আবেশে নয়ন মুদে যে যেত!
 সে পরশে নয়ন বুঁজে যে যেত ।
 আমি খড়ের পলুই ধরে শুইতাম যেন গো,
 তাহে শীত নিবারিত, তা' রে কাটিল সে কেন গো!
 শ্যামের মুখের মতন কে দিল এমন
 দাড়িরপী মুড়ো ঝাঁটা গো,
 কালার গণ্ড জড়ায়ে কিল্‌কিল করে
 শত সে সতীন-কাঁটা গো!
 আমি জু'লে যে ম'লাম,
 সখি আমায় ধর ধর, জু'লে যে ম'লাম ।

[কৃষ্ণা, মধুপ্রবা, চন্দ্রকেতু, কাকলি, বন্দিনীগণ, ছত্রধারিণী, করকবাহিনী ও
 অন্যান্য সভাসদগণের প্রবেশ]

[গান]

কাকলি ও বন্দিনীগণ ।।

জাগো যুবতী! আসে যুবরাজ ।
 অশোক-রাষ্টা বসনে সাজ ।।
 আসন পাতো বনে অঞ্চল আধ,
 বন্দনা-গীতি-ভাষা বাধো বাধো,
 কপোলে লাজ ।।
 উছলি' ওঠে যৌবন আকুল তরঙ্গে,

খেলিছে অনঙ্গ নয়নে বুকে অঙ্গে
আবুল তরঙ্গে।

আগমনী-ছন্দ মেঘ-মৃদঙ্গে,
ভবন-শিখী গাহে বন-বৃহৎ সঙ্গে।
বাজে হৃদি-অঙ্গনে বাঁশরী বাজো।।

[কাকলি ও বন্দিগণের প্রস্থান]

চন্দ্রকেতু ।। সম্রাট, জয়ন্তী আমাদের সীমান্ত-রক্ষী সেনাদলকে পরাজিত ক'রে
রাজধানীর দিকে অগ্রসর হচ্ছে। আমার সহকারী সেনাপতিকে তার
গতিরোধ করতে পাঠিয়েছি। শুন্ছি সে-ও পরাজিত হয়েছে।

কৃষ্ণা ।। কিন্তু আমাদের এ পরাজয়ের অর্ধেক লজ্জা তোমার, সেনাপতি! তুমি
নিজে সৈন্য পরিচালন করলে কখনো আমাদের এ পরাজয় ঘটত না।

চন্দ্রকেতু ।। তা জানি, কিন্তু আমি নারীর বিরুদ্ধে অস্ত্রধারণ করিনে।

মধুশ্রবা ।। তুমি জান না সেনাপতি, সব নারী নারী নয়। শৌর্যশালিনী নারীর
পরাক্রম যে কোনো পরাক্রমশালী পুরুষের পৌরুষের চেয়েও ভয়ঙ্কর।
নদীর জল তরল স্বচ্ছ, কিন্তু সেই জল যখন বন্যার ধারারূপে ছুঁটে
আসে, তখন তার মুখে ঐরাবতও ভেসে যায়।

রঙনাথ ।। (অন্যদিকে তাকাইয়া) ঠিক বলেছ বাবা, মন্দা-মেয়ে পুরুষের বাবা।
সেনাপতি যদি একবার আমার স্ত্রীকে দেখতেন, তাহ'লে বুঝতেন,
কেন মায়ের নাম মহিষ-মর্দিনী!

মীনকেতু ।। এই কি সেই যশস্বীরের প্রবল প্রতাপন্বিত রাজ্যেশ্বরের কন্যা,
সেনাপতি? কিন্তু আমি ত শুনেছিলুম সে উন্মাদিনী। দিবারাত্র নাকি সে
রাজস্থানের মরুভূমিতে ঘূর্ণিবায়ুর সাথে নৃত্য ক'রে ফেরে। ওর নাম
ওদেশে মরু-নটী।

চন্দ্রকেতু ।। হাঁ সম্রাট, এ সেই রহস্যময়ী মরুচারিণী। মরুভূমির দুরন্ত বেদে ও
বেদেনীর দল এর সহচর-সহচরী, সেনা-সামন্ত-সব। এদের নিয়ে
সে মরু-ঝন্ঝার মত পর্বতে প্রান্তরে নৃত্য ক'রে ফেরে।

[অধোমুখে সহকারী সেনাপতির প্রবেশ]

এ কি? সহকারী সেনাপতি? তুমি তাহলে সত্যই পরাজিত হয়ে ফিরে
এসেছ?

সহ-সেনাপতি ।। মানুষের সঙ্গে যুদ্ধ করা যায় সম্রাট, কিন্তু ও মায়াবিনী। কেমন
ক'রে কি হ'ল বুঝতে পেরলুম না, যখন জ্ঞান ফিরে এল, দেখলুম আমার
ছত্রভঙ্গ সৈন্যদল ঝড়ের মুখে খড়-কুটোর মত উড়ে যাচ্ছে। মনে হ'ল,
আমাদের ওপর দিয়ে একটা দাবানল ব'য়ে গেল! ও নারী নয় সম্রাট, ও

আগুনের শিখা! ওর সঙ্গে যুদ্ধে জয়ী হতে পারে—এত শক্তি বুঝি পৃথিবীর কোনো সেনানীরই নেই। সেদিন প্রত্যুষে সে যখন রণক্ষেত্রে এসে দাঁড়াল, মনে হয়, সমস্ত আকাশে আগুন ধরে গেছে। আমি মুখ-চোখ কিছুই দেখতে পাইনি, তবু চোখ যেন ঝলসে গেল। সহস্র কিরণ দিনমণির মত তার সহস্র-শিখা ফণা বিস্তার ক'রে এগিয়ে-এল, আমরা ফুৎকারে উড়ে গেলুম।

মীনকেতু ।। তোমায় সে বন্দী করলে না সেনাপতি?

সহ-সেনাপতি ।। না সম্রাট। আমি তখনো অচেতন অবস্থায় পড়েছিলুম। হঠাৎ কিসের মাতাল-করা সৌরভে আমার জ্ঞান ফিরে পেলুম। দেখলুম, সেই বিজয়িনী নারী আমার পার্শ্বে দাঁড়িয়ে। ভয়ে আমার চক্ষু আপনি মুদে এল। আমি তার দিকে তাকাতে পারলুম না। সে আমায় বললে, তোমায় বন্দী করব না সেনাপতি, তোমার-তোমার সম্রাটকে বন্দী করতে এসেছি।

মীনকেতু ।। (উজ্জ্বলিত কণ্ঠে) কি বললে সেনানী! আমাকে সে বন্দী করতে এসেছে? (সিংহাসন ছাড়িয়া নামিয়া আসিয়া) মন্ত্রী, সেনাপতি, চিনেছি,—চিনেছি আমি এই নারীকে। এরই প্রতীক্ষায় আমার দুর্দান্ত যৌবন কেবলি ফুল আর হৃদয় দ'লে তার চলার পথ তৈরী করছিল। এরই আগমনের আশায় এত হৃদয়ের এত প্রেম-নিবেদনকে অবহেলা ক'রে চলেছি। ও জয়ন্তী নয়, যশলীীর অধীশ্বরী নয়, ও মরুচারিণী-মায়াবিনী, চিরকালের চির-বিজয়িনী! সে তার প্রতি চরণ-পাতে শুষ্ক মরুর বুকে মরুদ্যান রচনা ক'রে চলে, পাষণের বুক ভেঙে অশ্রুর ঝর্ণাধারা বইয়ে দেয়, পাহাড়ের শুষ্ক হাড়ে নিতা-নূতন ফুল ফোটায়—এ সেই নারী। মন্ত্রী, সেনাপতি, সভাসদগণ! আমার অপরায়ে সৈন্যদলের এই প্রথম পরাজয়—নারীর হাতে, সুন্দরের হাতে, এ আমারই পরাজয়, তোমাদের সম্রাটের পরাজয়, যৌবনের রাজার পরাজয়। এখনই ঘোষণা ক'রে দাও, আমার সম্রাজ্য জুড়ে উৎসব চলুক, আনন্দের সহস্র দীপালি জ্বলে উঠুক! বলে দাও, আজ তাদের রাজাকে পরাজিত ক'রে তাদের রাজলক্ষ্মী সাম্রাজ্যে প্রবেশ করছে। আমার এই রাজসভা এখনি উৎসব-প্রাক্তনে পরিণত হোক। কবি, নিয়ে এস তোমার বেণু, বীণা, সুরা ও নর্তকীর দল। আজ যৌবনের এই প্রথম পরাজয়ের পরম ক্ষণকে বরণ করতে যেন হসি, গান, আনন্দের এতটুকু কার্পণ্য না করি! কৃষ্ণা, তুমি অমন ম্লান মুখে দাঁড়িয়ে কেন? তোমাদের রাজ্যের বিজয়িনী রাজলক্ষ্মীকে অভ্যর্থনা ক'রে আনার দায়িত্ব যে তোমারই। আনন্দ কর, আনন্দ কর!

সভাসদগণ । জয়, গান্ধার-সাম্রাজ্যের ভাবী রাজলক্ষ্মীর জয়!

কৃষ্ণা ।। মার্জনা করবেন সম্রাট। আমি যদি সত্য সত্যই এই সাম্রাজ্যের প্রধানমন্ত্রী হই, তাহ'লে আদেশ দিন, আমি সেই বিজয়িনীর গতিরোধ করব। আমি নারী, নারী কোন্ শক্তিতে যুদ্ধে জয়ী হয়, তা আমি জানি। ওর মায়ায় আপনার তরুণ সেনাপতিদের চোখ ঝলসে যেতে পারে, তা'রা পরাজিত হ'তে পারে, ওরা পুরুষ, কিন্তু আমি তাই এই অভিমানের ঔদ্ধত্যের শাস্তিদান করব।

মীনকেতু ।। পারবেনা কৃষ্ণা, পারবে না। যে নারী আমার সীমান্তের দুর্ভেদ্য দুর্গ-প্রাকারের বাধাকে অতিক্রম ক'রে আমার চির-বিজয়ী সেনাদলকে এমন পরাস্ত করেছে, সে সামান্য নারী নয়, সে চিরকালের বিজয়িনী।

কৃষ্ণা ।। সে যদি সম্রাটের মনের দুর্ভেদ্য পাষণ-প্রাচীর অতিক্রম ক'রে হৃদয়সাম্রাজ্যের প্রবেশ ক'রে থাকে, ত, সে স্বতন্ত্র কথা। কিন্তু তবু সেই বিজয়িনীর সাথে আমার শক্তি-পরীক্ষার কোনো অধিকারই কি নেই, সম্রাট?

মীনকেতু ।। নিশ্চয় আছে, কৃষ্ণা! আমি আদেশ দিলুম তুমি যেতে পার তার শক্তি-পরীক্ষায়।

চন্দ্রকেতু ।। সেনাপতি জীবিত থাকতে মন্ত্রীর সৈন্য পরিচালনার চেয়ে আমাদের বড় কলঙ্ক আর কি থাকতে পারে সম্রাট? মন্ত্রী রাজ্যই পরিচালনা করেন, সৈন্যচালনা করা সেনাপতির কাজ।

কৃষ্ণা ।। (সক্রোধে ও বিস্কন্ধ কণ্ঠে) চূপ কর সেনাপতি। তুমি আজ হীনবীর্য কাপুরুষ, তোমার শক্তি থাকলে আমাদের অজেয় সেনাদলের এই হীন পরাজয় ঘটত না।

চন্দ্রকেতু ।। কাপুরুষই যদি হ'য়ে থাকি সে অপরাধ আমি ছাড়া হয়ত আর-কারকর।

মীনকেতু ।। ঠিক বলেছ চন্দ্রকেতু। মাঝে মাঝে অটল পৌরুষের মহিমাও খর্ব হয়, বিজয়ীর রথের চূড়ায় নীলাবরীর আঁচল দুলে ওঠে বলেই ত পৃথিবী আজো সুন্দর! তুমি যে কারণে কাপুরুষের আখ্যা পেলে, ঠিক সেই কারণেই হয়ত আমারও বজ্রমুষ্টি শিথিল হ'য়ে যাচ্ছে। কিছুতেই তরবারি ধারণ করতে পারছিনে।

চন্দ্রকেতু ।। আমি এখনো নিজেকে তত দুর্বল মনে করিনে, সম্রাট। যদি শক্তিই হারিয়ে থাকি, তাহ'লেও যে-শক্তি এখনো এই বাহুতে অবিশিষ্ট আছে, পৃথিবী জয়ের জন্য সেই শক্তিকেই যথেষ্ট মনে করি। (প্রস্থানোদ্যত) আমি কি কোনো যুদ্ধে পরাজিত হয়েছি, সম্রাট?

মীনকেতু ।। না সেনাপতি। তুমি যে আমার দক্ষিণ হস্তের তরবারি। কিন্তু

সেনাপতি, আজ যে আমারি তরবারি—মুষ্টি শিখিল হয়ে গেছে, তুমি শক্তি পাবে কোথেকে কে? তুমি এতদিন অস্ত্রেতে যুদ্ধে, নর-সংগ্রামেই বিজয়ী হয়েছ, কিন্তু হৃদয়ের যুদ্ধে নারীকে জয় করার সংগ্রামেও জয়ী হ'য়ে ফেরা, সে তোমার চেয়ে শতগুণে শক্তিধর বীরপুরুষেরাও পারেননি, বন্ধু!

চন্দ্রকেতু ।। এ ত আমার হৃদয়-জয়ের অভিযান নয়, সম্রাট, এ অভিযান শুধু যুদ্ধ-জয়ের জন্য, সাম্রাজ্য-রক্ষার জন্য।

মীনকেতু ।। (একবার কৃষ্ণা ও একবার চন্দ্রকেতুর দিকে তাকাইয়া চতুর হাসি হাসিয়া) এইখানেই ত রহস্য চন্দ্রকেতু। যেখানে আসল যুদ্ধ চলেছে সেনাপতির, সে-রণক্ষেত্র ছেড়ে সে যদি এক শূন্যমাঠে গিয়ে তরবারি ঘোরায় তাহ'লে তার জয়ের আশাটা বেশ একটু মহার্ঘ্য হ'য়ে পড়ে না কি?

চন্দ্রকেতু ।। আজ তন্নই পরীক্ষা হোক সম্রাট। আমি দেখতে চাই সত্যই আমি শক্তি হারিয়েছি কি না!

[প্রস্থান]

কৃষ্ণা ।। আপনার আনন্দ-উৎসব চলুক সম্রাট, আমি কৃষ্ণা-আলোক-সভার অন্তরালেই আমার চিরকালের স্থান।

[প্রস্থান]

[সহসা আকাশ অন্ধকার করিয়া কান-বৈশাখীর মেঘ দেখা দিল। ধূলার শুকনো পাতায় ধমোদ-উদ্যান ছাইয়া ফেলিল। মেঘের ঘন গর্জনে দিশন্ত কাঁপিয়া উঠিল।]

রত্ননাথ ।। (সভয়ে চীৎকার করিয়া) সম্রাট! আকাশে দেবতার উৎসবের ঘন্টা বেজে ওঠেছে! অপ-দেবতার আয়োজন পণ্ড করতেই ব্যাটাদের এই কুমন্ত্রণা। বাবা, “যঃ পলায়তি স জীবিত!”

মীনকেতু ।। (হাসিয়া) ভয় নেই রত্ননাথ! ঐ ঝড়ই আমার না-আসা বন্ধুর পদধ্বনি। শুনছ না—বজ্রে বজ্রে তার জয়ধ্বনি, কালবৈশাখীর মেঘে তার বিজয়-পতাকা! চল, প্রাসাদের অলিন্দে বসে আজ মেঘ-বাদলেরই নৃত্যোৎসব দেখি গিয়ে।

[নৃত্য ও গান করিতে করিতে ঝোড়ো-হাওয়া ও ঘূর্ণির প্রবেশ]

[গান]

ঝোড়ো-হাওয়া ।।

ঝন্ঝর ঝাঁঝর বাজে ঝন ঝন ।
ঝনানী-কুস্তল এলাইয়া ধরণী কাঁদিছে
পড়ি' চরণে শন শন শন শন ।।
দোলে ধূলি-গৈরিক নিশান, গগনে,
ঝামর কেশে নাচে ধূর্জটি সঘনে ।
হর-তপোভঙ্গের ডুঙ্ক নমনে,
সিঙ্কর মঞ্জীর চরণে বাজে রণ রণ রণ রণ ।।

ঘূর্ণি ।।

শীলা-সখী তব নেচে চলি ঘূর্ণি ।।
বালুকার ঘাগরী, ঝরা পাতা উড়ুনী ।।
আলুথালু শতদলে খোঁপা ফেলি টানি;
দিকে দিকে ঝর্ণার কুলুকুচু হানি ।
সলিলে নুড়িতে নুড়ি পইচি বাজে
রিনিঝিনি রণঝন ।।

[গান করিতে করিতে ঝড় ও ঘূর্ণির প্রস্থান]

[মৃদঙ্গের তালে তালে নাচিতে নাচিতে নটরাজের প্রবেশ]

[গান]

নটরাজ ।।

নাচিছে নটনাথ শঙ্কর মহাকাল
লুটাইয়া পড়ে দিবারামির বাঘ-ছাল,
আলো-ছায়ার বাঘ-ছাল,
ফেনাইয়া ওঠে নীল কণ্ঠের হলাহল
ছিঁড়ে পড়ে দামিনী অগ্নি-নাগিনী দল ।
দোলে ঈশান-মেঘে ধূর্জটি-জটাজ্বাল ।।

বিষম ছন্দে বোলে ডমরু নৃত্য-বেগে
ললাট-বকি দোলে প্রলয়নন্দে জেগে ।।
চরণ-আঘাত লেগে জাগে শূশানে কঙ্কাল ।।

সে নৃত্য-ভঙ্গে গঙ্গা-তরঙ্গে
সঙ্গীত দু'লে ওঠে অপকল্প রঙ্গে,
নৃত্য-উছল জলে বাজে জলদ তাল ।।

সে নৃত্য-ঘোরে ধ্যান নির্মীলিত ত্রি-নয়ন
ধ্বংসের মাঝে হেরে নব সৃজন-স্বপন,
জ্যোৎস্না-আশিস ঝরে উছলিয়া শশী-থাল ।।

[নৃত্য ও গান করিতে করিতে বৃষ্টিধারার প্রবেশ]

[গান]

বৃষ্টিধারা ।।

নামিল বাদল
রশ্মু রশ্মু ঝুমু নূপুর চরণে
চল লো বাদল-পরী আকাশ-আঙিনা ভরি
নৃত্য-উছল ।।

চামেলী কদম যুথী মুঠি মুঠি ছড়ায়ে
উত্তল পবনে দে অঞ্চল উড়ায়ে
তৃষিত চাতক-তৃষণে জুড়ায়ে
চল ধরাতল ।।

দ্বিতীয় অঙ্ক

[সেনাপতি উগ্রাদিত্যের প্রবেশ। চোখে মুখে অস্বাভাবিক তীষণতা। কণ্ঠে, চলাফেরায়, ব্যবহারে বর্বর বনা পশুকে স্বরণ করাইয়া দেয়। স্তম্ভিত ব্যাঘ্রের মত চতুর্দিকে দৃষ্টিনিক্ষেপ করিয়া, বুকের তলা হইতে "বাঘনখ" অস্ত্র বাহির করিয়া সে এক মনে দেখিতে লাগিল। দূরে চন্ডিকার গান শনিতেই উগ্রাদিত্য চমকিয়া উঠিল।

[গান বন্ধিতে করিতে চন্ডিকার প্রবেশ।

[গান]

চন্ডিকা ।।

এ নহে বিলাস বস্তু ফুটেছি জলে কমল।
এ যে ব্যথা-রাঙা হৃদয় আঁখিজলে টলমল।।
কোমল মৃগাল দেহ স্তরেছে কন্টক-ঘাম,
শরণ লয়েছি গো তাই শীতল দীঘির জল।।
ভুবেছি অতল জলে কত যে জ্বালা স'য়ে
শত ব্যথা দ্রুত ল'য়ে হইয়াছি শতদল।।
আমার বুকের কঁদন, তুমি বল ফুল-বাস,
ফিরে যাও, ফেলো না গো শ্বাস,
দখিলা বামু চপল।।

চন্ডিকা ।। এ কি সেনাপতি! লুকিয়ে আমার গান শুনছিলে বুঝি?

উগ্রাদিত্য ।। (কর্কশ কণ্ঠে মুখ বিকৃত করিয়া) গান আমি কারশরই শুনিনে চন্ডিকা।
আমি গাধার চিৎকার দশঘন্টা ধরে শনতে পারি, কিন্তু মানুষের চীৎকার—হ্যাঁ চীৎকার বই কি, তা তোমরা তাকে হয়ত গান ব'লে থাক—এক মুহূর্তও শনতে পারিনে।

চন্ডিকা ।। বল কি উগ্রাদিত্য! গান হ'ল চীৎকার? আর গাধার ডাক হ'ল তোমার কাছে মানুষের—মানে আমার গানের চেয়েও সুন্দর? হ'লই বা ওরা তোমার আত্মীয়, তাই ব'লে কি এঁটিটা পক্ষপাত করতে হয়?

উগ্রাদিত্য ।। দেখ চন্ডিকা, তুমি যে কি সব কথা বল পাচ্চ দিয়ে, আমি তার মানে বুঝি না, অবশ্য বুঝবার দরকারও নেই আমার। তোমার চলন বাঁকা, তোমার চোখের চাউনি বাঁকা, তোমার কথা বাঁকা!

চন্ডিকা ।। অর্থাৎ আমি অষ্টাবক্র মুনি, এইত! (গান করিয়া) "বাঁকা শ্যাম হে, বাঁকা তুমি, বাঁকা তোমার মন!"

উগ্রাদিত্য ।। উঃ, মানুষের কত বেশী মস্তিষ্ক—বিকৃতি ঘটলে এমন সুর ক'রে

চ্যাচাতে পারে। একরোখা চ্যাচানোর মানে বুঝি, তা সওয়া যায়, কিন্তু এই একবার জোরে, একবার জোরে, একবার নাকি সুরে চ্যাচানো শু'নে এমন রূপ ধরে!

চন্দ্রিকা ।। এও আবার লোকে আদর ক'রে শুনে! এত পাগলও আছে পৃথিবীতে!
 ভাগ্যিস তোমার মত আরো দু'চারটি পাথুরে মস্তিষ্কের লোক নেই পৃথিবীতে, নইলে পৃথিবীটা এতদিন চিড়িয়াখানা হ'য়ে উঠত উগ্রাদিত্য!—(চমকিয়া) ওকি! তুমি অমন করে বাঘ-নখ ধরেছ কেন? তোমার চোখে হিংস্র বাঘের মত অমন দৃষ্টি কেন? সাপ যেমন ক'রে শিকারের দিকে তাকায়,—না আমার কেমন ভয় করছে। আমি পলাই!
 [ছুটিয়া পলায়ন]

[চন্দ্রিকার হাত ধরিয়া জয়ন্তীর প্রবেশ]

জয়ন্তী ।। কি রে, তুই অমন ক'রে ছুটছিলি কেন? ভূত দেখলি নাকি?
 চন্দ্রিকা ।। (ভয়-জড়িত কণ্ঠে) হাঁ! না দিদি, ভূত নয়, বাঘ! নেকড়ে বাঘ!
 জয়ন্তী ।। বাঘ? কোথায় দেখলি?
 চন্দ্রিকা ।। (উগ্রাদিত্যকে দেখাইয়া) ঐ দাঁড়িয়ে! হালুম! ঐ দেখ, হাতে বাঘ-নখ! বাঘের মত পৌফ, চোখ, মুখ, শুধু ল্যাঙ্গটা হলেই ও পুরোপুরি বাঘ হয়ে যেত!
 জয়ন্তী ।। তুই বড় দুষ্ট চন্দ্রিকা! ওর পেছনে দিনরাত অমন ক'রে ফেট-লাগা হ'য়ে লেগে থাকলে ও তাড়া করবে না?
 চন্দ্রিকা ।। ফেট কি সাথে লাগে দিদি? ফেট ডাকে বলেই ত দেশের শিকারগুলো এখনও বেঁচে আছে। নইলে তোমার বাঘ এতদিন দেশ সাবাড় ক'রে ফেলত।
 জয়ন্তী ।। কিন্তু, ও ত আমার কাছে দিবি শান্ত হ'য়ে থাকে। ঐ দেখনা ওর বাঘ-নখ ওর বুকের ভিতর নিয়ে লুকিয়েছে!
 চন্দ্রিকা ।। কি জানি দিদি, যোড়ার লাখি যোড়াই সইতে পারে! ও তোমার পোষা বাঘ কি না!
 জয়ন্তী ।। উগ্রাদিত্য!
 উগ্রাদিত্য ।। তেরবারি-মুষ্টি ললাটে ঠেকাইয়া অভিবাদন করিয়া সম্মুখে আসিয়া দাঁড়াইল।
 জয়ন্তী ।। (চন্দ্রিকার দিকে তাকাইয়া) দেখলি চন্দ্রিকা, ও আজ আমার কাছে মাথা হেঁট করে অভিবাদন করলে না। ললাটে তেরবারি ছুঁইয়ে সম্মান দেখালে। ও বলে, ওর শির ভূমিস্পর্শ করতে পারে শুধু তারির খড়্গে যে ওকে

পরাজিত করবে।

- চন্দ্রিকা ।। সে মহাষ্টমী কখন আসবে দিদি! আমার বড়জো সাধ,
মহিষ-মর্দিনীর পায়ে মহিষ-বলি দেখব!
- জয়ন্তী ।। ছি চন্দ্রিকা! তুই বড়জো প্রগল্ভা হয়েছিস। উগ্রাদিত্য, তুমি এখন
যাও, আমি দরকার হ'লে ডাকব। আর দেখ, চন্দ্রিকার উপর রাণ
কোরো না। মনে রেখ, ও আমারই ছোট বোন।
- উগ্রাদিত্য ।। জানি রানী! (আবার ললাটে তরবারি ছোঁয়াইয়া) অভিবাদন করিয়া
চন্দ্রিকার দিকে অগ্নি-দৃষ্টিতে তাকাইয়া চলিয়া গেল।)
- জয়ন্তী ।। আচ্ছা চন্দ্রিকা! এই যে ওকে রাতদিন অমন করে ফেপাস, ধর ওরই
সাথে যদি তোর বিয়ে হয়!
- চন্দ্রিকা ।। বাঃ, দিদির চমৎকার পছন্দ ত! এ মুক্তোর মাশা অমনি জীবের গলাই
ত ঠিক ঠিক মানাবে!...আচ্ছা দিদি, ও অত নিষ্ঠুর কেন? যুদ্ধক্ষেত্রে
দেখেছি, ও আহত সৈনিককে ও হত্যা করতে ছাড়েনা! ও যেন বনের
পশু। আদিম কালের বর্বর!
- জয়ন্তী ।। ও সত্যই মৃত্যুর মত মমতাহীন। তাই ও জ্যান্ত আহত কারুর প্রতি
কোনো মমতা দেখায় না। ওকে মারতে হবে--এইটাই ওর কাছে সত্য।
ঐ হচ্ছে পরিপূর্ণ পুরুষ, চন্দ্রিকা। ওর মাঝে একবিন্দু মায়া নেই, করুণা
নেই। ওর এক ভিলও নারী নয়!—পশু, বর্বর, নির্মম পুরুষ!
- চন্দ্রিকা ।। (হঠাৎ অন্যমনস্ক হইয়া গান করিতে লাগিল)

[গান]

বেসুর বীণার ব্যথার সুরে বাঁধব গো।
পাষণ বৃকে নিঝর হ'লে কাঁদবে গো :।
কুলের কাঁটায় স্বর্গলতার দুর্লব হার,
ফণীর ডেরায়, কেয়ার কানন কাঁদব গো :।
ব্যাধের হাতে শন্বো সাধের বংশী—সুর,
আস্লে মরণ চরণ ধরে সাধব গো।।
বাদল—ঝড়ে জ্বালব দীপ বিদ্যুৎলতার,
পলয়—জটায় চাঁদের বাঁধন ছাঁদব গো :।

- জয়ন্তী ।। আচ্ছা চন্দ্রিকা, সত্যি ক'রে বল্ দেখি, ওর ওপর তোর এত আক্রোশ
কেন? ওকে দেখতেও পারিসনে আবার ভুলতেও পারিসনে। ঘৃণা করার
ছলে যে ওকে নিয়েই তোর মন ভ'রে উঠছিলো।
- চন্দ্রিকা ।। (চমকিয়া উঠিয়া) সত্যিই ত দিদি, এমনি করয়ে বুঝি সাপের ছোবলে
সাপুড়ের, বাঘের হাতে শিকারীর মৃত্যু হয়। (একটু ভাবিয়া) তা ও—সাপ

- যদি নাচাতেই হয় আমাকে, ওর বিষ-দীতগুলো আগে ভেঙে দেবো!
- জয়ন্তী ।। ছি, ছি, শেষে চৌড়া নিয়ে ঘর করবি?
- চন্দ্রিকা ।। বিষ গলে ওর কুলোপনা চক্রে থাকবে ত। ফোঁস্-ফোঁসানী থাকলেই হ'ল, লোকে মনে করবে জ্বাভ-গোথরো। (চলিয়া যাইতে যাইতে) সত্যি দিদি, আমার দিনরাত কেবলি মনে হয় ও কেন এমন বন্যপশু হয়ে থাকবে? ওকে কি লোকালয়ের মানুষ ক'রে তোলার কেউ নেই? বড় দয়া হয় ওকে দেখলে। ও যেন সব চেয়ে নিরাশ্রয়, একা! ওর বন্ধু সাথী কেউ নেই! ঐ পাতুরে পৌরুষকে নারীত্বের ছৌঁড়িয়া দিয়ে মুক্তি দিলে হয়ত মহাপুরুষ হ'য়ে উঠবে।
- জয়ন্তী ।। হ্যাঁ, দস্যু রত্নাকর হঠাৎ বালীকি মূনি হয়ে উঠবেন!
- চন্দ্রিকা ।। বিচিত্র কি দিদি! সত্যি, বল ত, কেন এমন হয়? ও কেন এমন বর্বর হ'ল শুধু এই চিন্তাটাই আমাকে এমন পীড়া দেয়। ওকে কেন এমন ক'রে পীড়ন করি? বেচারিা বুন্দো! (হাসিয়া উঠিয়া) এক একবার এমন হাসি পায়! মনে হয় আমার সমস্ত শরীরটা দাঁত বের ক'রে হাসছে।

[পান]

তাহারে দেখলে হাসি, সে যে আমার দেখন-হাসি,
 (ওগো) আমি কচি, সে যে খুনো, আমি উনিশ
 সে উন-আশি।।

সে যে চিল আমি ফিঙে, আমি বাঁট সে যে ঝিঙে।

আমি খুশী সে যে খাসি, সে যে বাঁশ আমি বাঁশী।

ও সে যত রাগে, অনুরাগে পরাই গলে তত ফাঁসি।।

- জয়ন্তী ।। তুই তোর বাদরের চিন্তা কর! আমি চল্লুম, আমার অনেক কাজ আছে। (প্রস্থানোদ্যত)
- চন্দ্রিকা ।। আচ্ছা দিদি, আমি কি তোমার কোনো কিছু জ্ঞানবার অধিকারী নই? তোমার অনেক কাজ আছে বললে, কিন্তু ঐ অনেক কাজের একটা কাজও ত সাহায্য করতে ডাকলে না আমায়!
- জয়ন্তী ।। (চন্দ্রিকার মাথায় গায়ে হাত বুলাইতে বুলাইতে) পাগল! সবাই কি সব কাজের উপযুক্ত হয়! তোর প্রতি পরমাণুটি নারী, তাই শুধু হৃদয়ের ব্যাপার নিয়েই মেতে আছিস। আমার মধ্যে নারীত্ব যেমন, পৌরুষও তেমনি। তাই আমি এখন হাতে যেমন তরবারি ধরেছি, তেমনি সময় এলে চোখে বাণও হয়ত মারব। তুই আগাগোড়া নারী বলেই এই পা

থেকে মাথা পর্যন্ত পশু উগ্রাদিত্যের এত চিন্তা করিস। আর আমি অর্ধ-নারী বলে পুরুষালি রাজ্যের চিন্তা নিয়ে মরি। তাই তুই হয়েছিস নারী, আর আমি হয়েছি রানী।

চন্দ্রিকা ।। (রাগ করিয়া চলিয়া যাইতে যাইতে) তুমি যা না তাই বলছ দিদি আমার! আমার মরণ নেই তাই গেলুম ঐ বুনো জানোয়ারটাকে ভালবাসতে। আমি চললুম ফের তোমার বাঘকে খৌঁচাতে।

[প্রস্থান]

জয়ন্তী ।। ওরে যাসনে! আঁচড়ে-কামড়ে দেবে হয়ত।... (ঐ পথে চাহিয়া থাকিয়া) পাগল! বন্ধ পাগল!

[উগ্রাদিত্যের প্রবেশ]

উগ্রাদিত্য ।। আমার মনে ছিল না সম্রাজ্ঞী, আজ আমাদের অগ্নি-উৎসবের রাত্রি।

জয়ন্তী ।। আমার মনে আছে সেনাপতি। কিন্তু এবার এ নৃত্যে যোগদান করব শুধু আমি আর আমার যোগিনীদল। তুমি আমার সব সৈন্যসামন্ত নিয়ে ঐ পার্বত্য-গিরিপথ রক্ষা করবে। আমাদের এই উৎসবের সুযোগ নিয়া শত্রুরা যেন আমাদের আক্রমণ করতে না পারে।

[উগ্রাদিত্যের পূর্বরূপ অভিবাদন করিয়া প্রস্থান]

জয়ন্তী ।। কোথায় লো যোগিনীদল! আয়, আজ যে আমাদের অগ্নিবাসর।

[গান করিতে করিতে অগ্নিশিখা রঙের বেশভূষায় সজ্জিত হইয়া যোগিনীদলের প্রবেশ]

[গান]

যোগিনীদল ।।

জাগো নারী জাগো বহিঃশিখা।

জাগো স্বাহা সীমন্তে রক্ত-টীকা।।

দিকে দিকে মেলি তব লেলিহান রসনা

নেচে চল উন্মাদিনী দিগ্বসনা,

জাগো হতভাগিনী ধর্মিতা নাগিনী

বিশ্ব-দাহন-তেজে জাগো দাহিকা।

ধূ ধূ ছু লে ওঠ ধূমায়িত অগ্নি।

জাগো মাতা কন্যা বধু জায়া ভগ্নি!

পতিতোদ্ধারিণী স্বর্গ-খলিতা

জাহবী সম বেগে জাগো পদ-দলিতা।

চির-বিজয়িনী জাগো জয়ন্তিকা।।

জয়ন্তী ।। আমি আশুন, তেরা সব আমার শিখা! আজ ফানুন-পূর্ণিমা— আমার
জনাদিন। আশুনের জনাদিন। এমনি ফানুন-পূর্ণিমায়ে প্রথম-নারীর
বুকে প্রথম আশুন জ্বলেছিল। সে আশুন আজও নিবল না। কত ঘরবাড়ী
বনকান্তার মরুভূমি হ'লে সে অগ্নিস্ফুটার ইন্ধন হ'ল, তবু তার স্ফুটা আর
মিটল না। ও যেন পুরুষের বিরুদ্ধে প্রকৃতির যুদ্ধ-ঘোষণার
রক্ত-পতাকা। নরের বিরুদ্ধে নারীর নিদারুণ অভিমান-জ্বালা।

যোগিনী দল ।।

[গান]

জাগো নারী জাগো বহিঃশিখা।

জাগো স্বাহা সীমন্তে রক্ত-টীকা।।

জয়ন্তী ।। হাঁ, মীনকেতু গর্ব ক'রে ঘোষণা করেছিল, সে নিখিল পুরুষের
প্রতীক। যৌবন-সাম্রাজ্যের সম্রাট। ফুল আর হৃদয় দ'লে চলায় নাকি
ওর ধর্ম। ওকে আমি জানাতে চাই যে, যৌবন শুধু পুরুষেরই নাই।
ওদের যৌবন আসে ঝড়ের মত, তুফানের মত বেগে; নারীর যৌবন
আসে অগ্নিশিখার মত রক্তদীপ্তি নিয়ে। আমি জানাতে চাই, পুরুষের
পৌরুষ দুর্দান্ত যৌবনকে যুগে যুগে নারীর যৌবনই নিয়ন্ত্রিত করেছে।
নারীর হাতের লাঞ্ছনা-তিলকই ওদের নিরাভরণ রূপকে সুন্দর ক'রে
অপরূপ ক'রে তুলেছে। মীনকেতু যদি হয় নিখিল পুরুষের প্রতীক,
আমিও তাহ'লে নিখিল নারীর বিদ্রোহ ঘোষণা—তার বিরুদ্ধে—নিখিল
পুরুষের বিরুদ্ধে।

[যোগিনীগণের গান ও অগ্নিনৃত্য]

যোগিনী দল ।।

[গান]

জাগো নারী জাগো বহিঃশিখা—

[দূরে ভূঁয়-নিদাদ, সৈনিকদের গদধ্বনি, জয়ধ্বনি ও গান]

জয়ন্তী ।। ঐ উগাদিত্য চলেছে আমার অজ্ঞেয় মরুসেনা নিয়ে। চল আমরা দূরে

দাঁড়িয়ে ওদের জয়-যাত্রার এ অপরূপ শোভা দেখি গিয়ে।
 বিরাট-সুন্দরকে দেখতে হ'লে দূর থেকেই দেখতে হয়, নইলে ওর
 পরিপূর্ণ রূপ চোখে পড়ে না।

[জয়ন্তী ও যোপিনীদলের প্রস্থান]

[গান ও মার্চ করিতে করিতে যশস্কীর-সেনাদলের প্রবেশ]

টলমল টলমল পদতরে—
 বীরদল চলে সমরে।।
 খর-ধার তরবারি কটিতে দোলে,
 রণন বানন রণ-ডঙ্কা বোলে।
 ঘন তূর্য-রোগে শোক মূহূ ভোলে,
 দেয় আশিস সূর্য সহস্র করে।।
 চলে শ্রান্ত দূর পথে
 মরু দুর্গম পর্বতে
 চলে বন্ধু-বিহীন একা
 মোছে রক্তে ললাট-কলঙ্ক-লেখা!
 কাঁপে মন্দিরে ভৈরবী একি বলিদান,
 জাগে নিশঙ্ক শঙ্কর ত্যজিয়া শূশান!
 বাজে ডম্বর, অশ্বর কাঁপিছে ডরে।

তৃতীয় অঙ্ক

[গান্ধার রাজ্যের প্রমোদ-প্রাসাদ। মধুশ্রবা, তরুণী কিশোরীর দল, রজন্য, কাকলি প্রভৃতি আসীন।
মীনকেতু তখনো আসেনি; বৈতালিকের গান।]

[গান]

বৈতালিক ।।

আসিলে কে অতিথি সৌখে।
পূজার ফুল ঝরে বন-মাঝে ।।
দেউল মুখরিত বন্দনা-গানে
আকাশ-আঁধি চাহে মুখপানে,
দোলে ধরাতল দীপ-ঝলমল
নৌবতে জুপালি বাজে ।।

[হাসিতে হাসিতে মীনকেতুর প্রবেশ। তরুণী ও কিশোরীদের নৃত্য ও গান।]

[গান]

তরুণী ও কিশোরীরা ।।

মাধবী-তলে চল মাধবিকা দল
আইল সুখ-মধুমাস
পিককুল কলকল অবিরল ভাষে,
মধুপ মদালস পুষ্প-বিলাসে,
বেণু বনে ব্যাকুল উছাস ।।
তরুণ নয়ন সম আকাশ আ-নীল
তট-তরু-ছায়া ধরে নীল নিরাবিল,
বুকে বুকে দীর্ঘ বিশাষ ।।

[গীত-শেষে কাকলি পরিপূর্ণ সুরার পাত্র আগাইয়া দিল।]

মীনকেতু ।। (সুরার পাত্র নিঃশেষ করিয়া ফিরাইয়া দিয়া) শুধু সুরা নয় কাকলি,
সুরার সঙ্গে সুর চাই। তোমার বীণা বিনিদিত কণ্ঠের সুর। আজ যে
আমার তাকেই দেখার দিন, যাকে কখনো দেখিনি।

কাকলি ।।

গহীন রাতে—

ঘুম কে এলে ডাঙাতে
ফুলহার পরায়ে গলে,
দিলে জ্বল নয়ন-পাতে ।।

যে জ্বলা পেনু জীবনে
ভুলেছি স্নাতে স্বপনে,
কে তুমি এসে গোপনে
ছুইলে সে বেদনাতে ।।

যবে কেঁদেছি একাকী
কেন মুছালে না আঁখি
নিশি আর নাহি বাকি
বাসি ফুল বারিবে গাতে ।।

[সাধারণত নাগরিকের পেরত বস্ত্রে সজ্জিত হইয়া তরবারির শূন্য খাপ হস্তে
সেনাপতি চন্দ্রকেতুর প্রবেশ]

মীনকেতু ।। (উঠিয়া পড়িয়া) একি! সেনাপতি? শ্বেত পতাকা জড়িয়ে এসেছ বন্ধু!

চন্দ্রকেতু ।। মীনকেতুর পদতলে তরবারির খাপ রাখিয়া) সম্মাট! আমি আর
সেনাপতি নই। আজ হ'তে আমার নাম শুধু চন্দ্রকেতু। আমার আর
সেনাপতিত্ব করবার অধিকার নেই। আমি পরাজিত হয়েছি। পরাজিতের
গ্রানি ভুলবার একমাত্র উপায় যুদ্ধক্ষেত্রে মৃত্যু। তাগ্যের বিড়ম্বনায় তা
থেকে বঞ্চিত হয়েছি, তাই শেখায় আমি নিজেকে চির-নির্বাসন দণ্ড
দিয়েছি। আজ আর আমার মনে কোনো গ্রানি নেই, মৃত্যু-লোকের পথ
রুদ্ধ হয়েছে, কিন্তু আমি অমৃত-লোকের পথের দিশা পেয়েছি।

মীনকেতু ।। জিজ্ঞাসা করতে পারি কি বন্ধু, তোমার এই মৃত্যু-লোকের পথের
দিশারীটি কে?

চন্দ্রকেতু ।। আমার, না—একা আমার কেন—সর্বলোকের বিজয়িনী এক নারী।
তার নাম আমি করব না। আজ আমি সত্যই বুঝতে পেরেছি সম্মাট,
হৃদয়ের রণ-ভূমিতে যে জয়ী হয়, শত যুদ্ধজয়ের সেনাপতির চেয়েও সে
বড়। হৃদয় জয় করতে না পারার বেদনা আমার বাহকে যে এমন
শক্তিহীন করে তুলবে, এ আমার কল্পনারও অতীত ছিল!

মীনকেতু ।। (চন্দ্রকেতুর পিঠ চাপড়াইয়া) দুঃখ কোরো না বন্ধু, ও পরাজয়ের মধুর
আশ্বাস একদিন তোমাদের মীনকেতুকে—এই যৌবনের সম্মাটকেও
পেতে হবে! সুন্দর হাতের পরাজয় কি পরাজয়? কিন্তু সেই বিজয়িনীর
কাছে তুমি পরাজিত হ'লে অস্ত্রের যুদ্ধে, না বিনা—অস্ত্রের যুদ্ধে?

চন্দ্রকেতু ।। (হান হাসি হাসিয়া) দুই যুদ্ধেই সম্মাট, যদিও ওখানে বিনা—অস্ত্রের যুদ্ধ
করতে যাইনি। আমার সৈন্য নিয়ে শৈরিকম্রাবের মত যশস্বীর—সৈন্যের
উপর গিয়ে পড়লুম। প্রায় পরাজিতও ক'রে এনেছিলুম, এমন সময়
আমাদের মধ্যাহ্ন—সূর্যের মত দীপ্তি নিয়ে এল জয়ন্তী—যশস্বীরের
অধীশ্বরী। এতরূপ আমি আর দেখিনি। এইটুকু দেহের আধারে এত রূপ
কি ক'রে ধরল, সকল রূপের স্তম্ভাই বলতে পারেন। ও যেন বিশ্বের
বিশ্বয়। কিন্তু রূপের চেয়েও সুন্দর তার চোখ। ও চোখে যেন সূর্য—চন্দ্র
লুকোচুরি খেলছে।

মীনকেতু ।। বড় বাড়িয়ে বলছ চন্দ্রকেতু। তারপর কি হ'ল বল।

চন্দ্রকেতু ।। আমি তখনও সেনাপতি উগ্রাদিত্যের সঙ্গে হৃদয়যুদ্ধে ব্যাপ্ত। জয়ন্তী
যেমন অপরূপ সুন্দর, উগ্রাদিত্য তেমনি ভীষণ কুৎসিত। ওর শরীরে যেন
সকল পশুর সকল দানবের শক্তি। ও যেন নিখিল অসুরের প্রতীক।
বুবলাম, দেবী—শক্তির সঙ্গে দানব—শক্তি মিশেছে এসে। এ শক্তি
অপরাজেয়।

মীনকেতু ।। (অস্থিরভাবে পায়চারি করিতে করিতে) হাঁ, এখন বুঝতে পেরেছি ওর
শক্তির উৎস কোথায়?

চন্দ্রকেতু ।। হয়ত—বা উগ্রাদিত্যের হাতেই পরাজিত হতুম, কিন্তু সে লজ্জা থেকে
বাঁচালে এসে জয়ন্তী। সে উগ্রাদিত্যকে সরিয়ে দিয়ে আমার দিকে
অনেকক্ষণ তাকিয়ে থেকে বললে, 'তুমি ত এ যুদ্ধে জয়ী হ'তে পারবে না
সেনাপতি; তুমি ফিরে যাও।' আমি বললুম, 'আমি যুদ্ধস্থল থেকে কখনো
পরাজয় নিয়ে ফিরিনি।' সে হেসে বললে, 'তুমি হৃদয়ের সঙ্গে যুদ্ধ ক'রে
ক্ষত—বিক্ষত। আহত সেনানীকে আমার সেনানীর আঘাত করতে বাধে
না, কিন্তু আমার বাধে! তোমার চোখ ত সৈনিকের চোখ নয়, ও চোখে
মৃত্যু—ক্ষুধা কই, ও যে প্রেমিকের চোখ হতাশায় বেদনায় হান।' আমি
যেন এক মুহূর্তে ঐ নারীর মনের আর্সিতে আমার সত্যকার আহত মূর্তি
দেখতে পেলাম। আমার হাত হ'তে তরবারি প'ড়ে গেল।

মীনকেতু ।। (অভিভূতের মত) হাঁ, এই সেই! এই সেই বিজয়িনী। আমার যেন মনে
পড়ছে স্বর্গে আমি ছিলাম পঞ্চশর, শিবের অভিশাপে এসেছি মর্ত্যলোকে।
ঐ বিজয়িনী, ও জয়ন্তী নয়, ও রতি! (হঠাৎ চমকিয়া উঠিয়া) তা নয়, তা
নয়। হাঁ, তারপর চন্দ্রকেতু, তুমি ফিরে এলে? ঐ তরবারি আবার

কুড়িয়ে নিলে না?

চন্দ্রকেতু ।। ভ্রষ্টা শক্তিকে আর গ্রহণ করিনি। ওকে চিরকালের জন্য ঐ রণক্ষেত্রে
বিসর্জন দিয়ে এসেছি।

মীনকেতু ।। (হাসিয়া উঠিয়া) ভুল করেছ বন্ধু! রামের মতই রামভুল ক'রে বসেছ!
ও-শক্তি ভ্রষ্টা নয়, ও সীতার মতই সতী।

চন্দ্রকেতু ।। এইবার তারই অগ্নি-পরীক্ষা হবে! কিন্তু পরীক্ষার উত্তীর্ণ হলেও
লোকলজ্জায় ওকে গ্রহণ করতে পারব না। আমাদের মাঝে
চিরনির্বাসনের যবনিকা প'ড়ে গেছে।

[সহসা দশদিক আলোয় হইয়া উঠিল। যশস্বর-রাজ্যেশ্বরী জয়ন্তী ও
সেনাপতি উগ্রাদিত্যের প্রবেশ ও শব্দ তূর্য-ধনি।]

জয়ন্তী ।। (চন্দ্রকেতুর পানে তরবারি অগাইয়া দিয়া) না সেনাপতি! ওকে নির্বাসন
দিলে রামের মত তোমারও চরম দুর্গতি হবে। এই ধর তোমার
পরিভ্রাতা শক্তি। আমি অগ্নিশিখা। ওর অগ্নি-শক্তি হয়ে গেছে।

চন্দ্রকেতু ।। (বিস্ময়-অভিভূত কণ্ঠে চমকিত হইয়া) সম্মাট! সম্মাট! এই—এই সেই
মহীয়সী নারী! এই জয়ন্তী!

[মীনকেতু তরবারি মোচন করিয়া জয়ন্তীর দিকে এবং জয়ন্তীও মীনকেতুর দিকে
অভিভূতের মত বৃত্তস্থ দৃষ্টিতে ভাকাইয়া রহিল। দূরে মধুর সুরে বংশী বাজিয়া
উঠিল। সহসা মীনকেতুর হাত হইতে তরবারি পড়িয়া গেল। উগ্রাদিত্যের চক্ষু
ক্ষুণ্ণিত ব্যাঘ্রের মত জ্বলিতে লাগিল।]

উগ্রাদিত্য ।। রানী, আমি কি এদের বন্দী করতে পারি?

জয়ন্তী ।। উগ্রাদিত্য, পরাজিত হ'লেও ইনি সম্মাট। ওঁর সম্মান রেখে কথা
বল।

উগ্রাদিত্য ।। মার্জনা কর রানী, যে পরাজিত হয় তার বন্দী ছাড়া আর কোনো সংস্কা
নেই। সম্মাট হ'লেও সে বন্দী।

জয়ন্তী ।। বন্দী করতে হয়, আমি নিজ হাতে বন্দী করব।

মীনকেতু ।। তুমি কোন্ পথ দিয়ে এলে রানী?

জয়ন্তী ।। তোমার পরাজয়ের পথ দিয়ে সম্মাট! এখন তুমি কি স্বেচ্ছায় বন্দী হবে,
না যুদ্ধ করবে?

মীনকেতু ।। যুদ্ধ? কার সাথে যুদ্ধ রানী! যেদিন তুমি আমার রাজ্যের সীমান্ত
অতিক্রম করেছ, সেইদিনই ত আমার পরাজয় হ'য়ে গেছে।

জয়ন্তী ।। শুধু ঐটুকুতেই শেষ হবে না সম্মাট। তোমাকে চরম পরাজয়ের লজ্জা
স্বীকার করতে হবে আমার কাছে—নারীর শক্তির কাছে। তোমাকে শিকল
পন্নতে হবে এবং সে শিকল সোনার নয়!

- মীনকেতু ।। সুন্দর হাতের সোনার ছোঁয়ায় লোহার শিকলই সোনা হ'লে উঠবে।
(হাত আগাইয়া) বন্দী কর, রানী!
- জয়ন্তী ।। কিন্তু বিনা যুদ্ধে তুমি হার মানবে? আমার কাছে না-হয় হার মানলে
কিন্তু ঐ উগ্রাদিত্য, আমার সেনাপতি—ওর কাছেও কি পরাজয় স্বীকার
করবে।
- মীনকেতু ।। (উগ্রাদিত্যকে দেখিয়া চমকিয়া উঠিল) ও কে? ওকে ত দেখিনি! ও ত এ
পৃথিবীর মানুষ নয়।
- উগ্রাদিত্য ।। (হিংস্র হাসি হাসিয়া) আমি পাতাল-তলের দৈত্য, সম্রাট! আজ
তোমাকে আমার সঙ্গে যুদ্ধ করতেই হবে। আজ আমাদের শক্তি পরীক্ষার
দিন।
- মীনকেতু ।। (ছলন্ত চোখে উগ্রাদিত্যের দিকে চাহিয়া) হাঁ। ওর সাথে যুদ্ধ করা যায়!
ওঁর পা থেকে মাথা পর্যন্ত অপরাঙ্কের পৌরুষের গঠনে মোড়া! হাঁ,
সত্যকার পুরুষ দেখলুম! আমার সমস্ত মাংসপেশী ওকে দেখে লোহার
মত শক্ত হ'লে উঠছে। শিরায় শিরায় চঞ্চল রক্তের উন্মাদনা জেগে
উঠছে। নিশ্চয়ই! তোমার সঙ্গে যুদ্ধ করব সেনাপতি! কিন্তু কি পণ রেখে
যুদ্ধ করবে তুমি?
- উগ্রাদিত্য ।। (হিংস্র আনন্দে উন্নত হইয়া উঠিল। জয়ন্তীকে দেখাইয়া) আমার পণ এই
অমৃত-লক্ষ্মী সম্রাট। যার লোভে আমি পাতাল ফুঁড়ে ঐ অমৃতলোকে উঠে
গেছি শক্তির ছদ্মবেশে। তাকে যদি আজ জয় করতে না পারি তাহ'লে
আমার তোমার হাতে মৃত্যুই তার উপযুক্ত শাস্তি।
- জয়ন্তী ।। (দৃষ্টকণ্ঠে) উগ্রাদিত্য! তুমি তাহ'লে ছদ্মবেশী লোভী, শক্তির নও?
- উগ্রাদিত্য ।। আজ আমি সত্য বলব রানী! আমি অসুর-শক্তি নই, আমি
লোভদানব। আমার বাহতে যে অমিত শক্তি, তা আমার ঐ অপরিমণ
ক্ষুধারই কল্যাণে। আজ আমার সত্য প্রকাশের চরম মুহূর্ত উপস্থিত!
- জয়ন্তী ।। মিথ্যাচারী! মীনকেতুর পতিত তরবারি তুলিয়া মীনকেতুর হাতে
দিয়া। আর আমার ভয় নেই সম্রাট, তুমি জয়ী হবে। ও শক্তির প্রতীক
নয়, ও লোভীর ক্ষুধাজীর্ণ মূর্তি, তোমার এক আঘাতেই ও চূর্ণীকৃত হ'লে
যাবে।
- উগ্রাদিত্য ।। কি সম্রাট, তুমি কি ঐ বিক্ষিপ্ত অস্ত্রই গ্রহণ করবে, না রিক্তহস্তে
আত্মরক্ষা করবে?
- মীনকেতু ।। (হাসিয়া) আমি চন্দ্রকেতু নই, উগ্রাদিত্য। আমারি শিথিল মুষ্টির জন্য যে
শক্তি পতিত হয়, তাকে আমার হাতে তুলে নিতে আমার লজ্জা নেই।
তুমি লোভ-দানব, তোমার উদরে দশ মুখের ক্ষুধা, হস্তে বিশ হস্তের
লুপ্তন আর গ্রহণশক্তি। তোমার সঙ্গে অহিংস-যুদ্ধ করা চলে না। আমি

অস্ত্র গ্রহণ করলুম।

উগ্রাদিত্য ।। তোমার পণ?

মীনকেতু ।। আমারও পণ ঐ অমৃত-লক্ষ্মী। (মীনকেতু চতুর্থ বার তরবারি
আঘাত করিতেই উগ্রাদিত্য পড়িয়া গেল।)

জয়ন্তী ।। (সেহসা কাঁপিয়া উঠিয়া) সম্রাট! মীনকেতু! ও কি করলে তুমি,
তোমায় দিয়ে একি করালুম আমি? ও যে আমার শক্তি, লোভ, ক্ষুধা,
সব—ঐ লোভ, ঐ ক্ষুধার শক্তি নিয়েই যে তোমায় জয় করতে
বেরিয়েছিলুম। উঃ! মীনকেতু! আজ আমার প্রথম মনে হচ্ছে, আমি রাজ্য
শাসনের রানী নই, অশুভের নারী।

[চন্দ্রিকার প্রবেশ]

চন্দ্রিকা ।। একি! এ কোথায় এলুম! এই কি অন্ধপতির প্রেমে—অন্ধ শাস্ত্রীর দেশ?
এই কি হৃদয়ের সেই চিররহস্যময় পুরী? ওরা কারা দাঁড়িয়ে? মুক,
মৌন, ম্লান। ঐ কি আলোয়ার পিছনে ঘুরে-ঘুরে চির-পথিকের দল?
ওরা সব যেন চেনা! ওদের কোথায় কোন্ লোকে যেন দেখেছি। (পতিত
উগ্রাদিত্যকে দেখিয়া) ও কে?—দিদি? আর এ কে?—অ্যা! উগ্রাদিত্য?
এখানে এত রক্ত কেন? (আর্তনাদ করিয়া উঠিয়া) উগ্রাদিত্য! এ কি! কে
তোমায় হত্যা করলে? দিদি! দিদি!

মীনকেতু ।। (শান্ত স্বরে) দেবী! উগ্রাদিত্যকে আমিই হত্যা করেছি! ও দৈত্য,
অমৃত পান করিতে এসেছিল! ওই ওর নিয়তি!

জয়ন্তী ।। চন্দ্রিকা! উগ্রাদিত্য চলে গেছে আমার সকল শক্তি অপহরণ করে। তুই
পারবি চন্দ্রিকা ওকে বাঁচাতে তোর তপস্যা দিয়ে? নইলে আমি বাঁচাব না!
ওকে বাঁচাতেই হবে।

চন্দ্রিকা ।। দিদি! ওকে নিয়ে তোমার চেয়ে আমার প্রয়োজনই যে বেশী। ওকে না
বাঁচালে আমাদের পৃথিবী যে চির-সন্ধ্যাসিনী হ'য়ে উঠবে। এর জন্য
যদি মৃত্যু-রাজার মুখোমুখি গিয়ে দাঁড়াতে হয়, তাও দাঁড়াব গিয়ে!
সাবিত্রীর মত আমার এই শবের মধ্যে প্রাণ-প্রতিষ্ঠা করার তপস্যা আজ
হ'তে শুরু হ'ল! আজ হ'তে আমার নাম হবে কল্যাণী!

জয়ন্তী ।। (দাঁড়াইয়া উঠিয়া) আর্শীবাদ করি, তুই রক্ষকুলবধু প্রমীলার মত
স্বামীসোহাগিনী হ'য়ে সহমরণ নয়, সহজীবন লাভ কর! (মীনকেতুকে
নমস্কার করিয়া) বন্ধু! নমস্কার! আমি তোমায় বন্দী করতে এসেছিলুম,
হয়তবা বন্ধন নিতেও এসেছিলুম। কিন্তু সে বন্ধন আজ ভাগ্যের
বিড়ম্বনায় ছিন্ন হ'য়ে গেল! উগ্রাদিত্যের মৃত্যুর সাথে সাথে আমার

হৃদয়ের সকল ক্ষুধা, সকল লোভের অবসান হ'য়ে গেল। আমি আজ রিজ্জা সন্ন্যাসিনী! (একটু থামিয়া) আমি এই সুদূর পৃথিবীতে সন্ন্যাসিনী হ'তে আসিনি। বধু হবার, জননী হবার তীর ক্ষুধার আশ্রয় জ্বলে তোমাকে জয় করতে এসেছিলুম। তোমাকেও পেলুম কিন্তু বুকের সে আশ্রয় আমার নিভিয়ে দিয়ে গেল উগ্রাদিত্য!

মীনকেতু ।। জয়ন্তী! তুমিও কি তবে ওকে ভালোবাসতে? তাহ'লে জয় ক'রেও কি আমার পরাজয় হ'ল? উগ্রাদিত্য মরে হ'ল জয়ী! যাকে পণ রেখে জয় করলুম—সে নাকি আপন হ'ল না?

জয়ন্তী ।। কাম্যাহীন ভালোবাসা নিয়ে যারা তৃপ্ত হয়, তুমি ত তাদের দলের নও মীনকেতু। তুমি চাও জয়ন্তীকে, এই মুহূর্তের রিজ্জাকে নিয়ে তুমি সুখী হতে পারবে না। যে তেজ যে দীপ্তির জ্বারে তোমায় জয় করলুম—সেই ত ছিল উগ্রাদিত্য। তোমার হাতে তার পতন হ'য়ে গেছে! বন্ধ! বিদায়!

মীনকেতু ।। (আর্তকণ্ঠে) জয়ন্তী! আর কি তবে আমাদের দেখা হবে না?

জয়ন্তী ।। হয়ত হবে, হয়ত—বা হবে না! যদি আমার মনে আবার সেই ক্ষুধা জাগে, যদি এ উগ্রাদিত্য প্রাণ পায়, কল্যাণীর সিঁথিতে সিঁদূর ওঠে, আমি আবার আসব। সেনাপতি নমস্কার!

[প্রস্থান]

মীনকেতু ।। (উন্মাদের মত চীৎকার করিয়া উঠিল) জয়ন্তী! জয়ন্তী!

[দূর হইতে অস্বস্তিকর স্বর ডাকিয়া আসিল "মীনকেতু"।]

যবনিকা